



Wantok



Namba 1862 Wan Wik Epril 22 - 28, 2010

Niuspepa Bilong Yumi Ol PNG Stret! **K1 tasol**



Noken abrusim **Sabina's Corner**

Olgeta Wik!

Sabina's Corner

Tok pisin - Pes 6 Tok English - Pes 8

Winim ol
Tiket long
go long
Soka Wol
Kap Fainol!

TUPELA
TIKET
LONG LUKIM
FAINOL GEM

1000
US DOLA
MANI LONG YUSIM

BALUS
TIKET
OL TRANSFER NA
PLUS LONG SLIP



Teksim "Soccer" igo long
7878 long go insait long
dro bilong Winim tupela
Tiket long go lukim Soka
Wol Kap Fainol. WANTAIM
K1,000 long winim olgeta
wik i go inap long Gren
Prais Dro.

1 Kina long wanpela SMS, Tupela pakej
long winim

Digicel

(Mopela, Eprilpela non, Melaka bilong PNG)

Long kisim moa infomesin ringim Kastoma Kea long
ni 125 long Digicel fon bilong su. Tema na Kondisen
bai stap



Welkam!

Madang papagraun i no pait long kisim mani

...ol i no laikim busgraun i bagarap

Neville Choi i raitim

OL LAIN papagraun husat i kirapim kot salens long pasim Ramu Nico maining kampani long pulim paip na tromoi rausim pipia bilong Ramu Nikel main i go insait long solwara long Madang i tok ol i no mekim long kisim mani.

Ol i tokaut klia olsem ol i mekim dispela, long wanem, ol i no laikim busgraun bilong ol i bagarap.

Loya meri husat i makim ol papagraun, Tiffany Nonggorr, i tok klia long ol niusmanmeri dispela wik, long ol astingting bilong ol papagraun na kot bilong ol.

I gat faivpela lain manmeri husat i kotim Ramu Nico Menesmen Limited, kampani i go pas long sanapim Ramu nikel main long Madang.

Ol lain asples bilong Raikos i kirapim dispela kot em Eddie Tarsie husat em i wanpela Wod Kaunsela bilong Wod 3 long Sidor LLG, Farina Siga, Wod Seketeri bilong Wod 3 long Sidor, Peter Sel, Pommern Inkoporetet Len Grup, na siaman bilong ol, Sama Melambo.

Insait long dispela kot agensim Ramu Nico MCC, ol i bungim wantaim Mineral Risoses Atoriti, Dipatmen bilong Envairomen na Konsavesen na Dairekta bilong en Dokta Wari Iamo, na gavman bilong PNG.

Misis Nonggorr i tok makim ol papagraun, na tok olsem i gat tripela astingting bilong kot bilong ol.

Namba wan astingting em bilong kisim tok orait bilong kot long pasim kampani long go het long pulim paip i go insait long solwara bilong Astrolabe Bay.

Moa stori long pes 2

YUMI sampela i save sekhanim ol manmeri bilong arapela ples i kam sua long ples bilong yumi. Tasol long Nu Silan, ol i save tok welkam olsem. Praim Minista Gren Sif, Se Michael Somare i bin raun i go long Nu Silan dispela wik, na em i bungim Meya bilong Rotorua, Kevin Winters long tumbuna mak bilong sekhan bilong ol asples pipel bilong Nu Silan, ol Maori. Dispela kain sekhan bilong ol, em ol i kolim long 'hong'. *Poto: Nu Silan Hai Komisin.*



Mackerel

IN NATURAL OIL

Em pis ol bubu i save laikim bipo tru. I kam bek nau! "Yu mas traim na bilip"



I kam wantaim Tomato na Oil

Planti mit na gutpela teis tru!

Skul bai senisim trabel ples Barola

Sape Metta i raitim

BAROLA veli we planti kainkain hevi bilong lo na oda na raskol pasin bilong stil i save kamap long dispela eria na seksen eria bilong bikpela Okuk haiwe namel long Kainantu na Goroka long Isten Hailans bai i ken lukim planti bikpela senis long lo wanem ol papa mama bilong ol skul pikinini husat i save i go long Barola praimer skul i tok promis long wokbung na sapotim ol tisa na ol bod memba long kirapim dispela skul i go long narapela level we ol i ken resis wantaim ol arapela praimer skul long distrik, provins na long PNG tu.

Dispela praimer skul em i stap stret long arere bilong bikpela

haiwe rot olsem na planti ol kainkain stil pasin bilong holdap, reip na ol arapela trabel pasin em ol trabel man em ol i no save long ol i save kamapim long dispela eria.

Mekim olsem na mipela ol papa mama na ol lain manmeri long ol hauslain na viles klostu long dispela skul na haiwe eria i save kisim planti kainkain tok kros na nem nogut long dispela ol pasin nogut em ol wanwan bikhet man i save mekim.

“Long dispela as skul na ol pikinini bilong mipela i no save kisim wanpela luksave i kam long ol lain husat i stap long atoriti long distrik, provinsel na nesanel level. Olsem na mipela olsem ol papa mama husat i gat bikpela wari tru long edukesen

na bihain taim bilong ol pikinini bilong mipela i wokbung we mipela amamas long givim han na helpim dispela praimer skul i stap long en i bin mekim long taim bilong opisel opening bilong ol infrastraksa projek bilong skul long Fonde wik i go pinis.”

Misis Mosa i tok Barolla praimer skul i bin kirap long 1974. Na bihain long tupela ten faiv (25) yia, skul em i no kisim wanpela luksave tasol em i bin sanap na go het long givim sevis long ol pikinini long dispela hap eria.

“Ating mipela em trabela lain, olsem na long dispela as ol pikinini bilong mipela i no save kisim luksave long las tupela ten faiv krismas,” Misis Mosa i askim.

Em i tok maski sapos ol lain long atoriti i nogat luksave long mipela, mipela yeti gat mani long sapotim wok bilong skul na edukesen bilong ol pikinini bilong mipela.

Misis Mosa na ol papa mama bilong ol skul pikinini na skul bod yeti bin bungim mani mak inap olsem K6'400.00 na i bin givim i go long hetmasta Dan Kwalam na ol lain husat i go pas long administresen bilong skul long dispela taim bilong opening seremoni.

Provinsel Edukesen edvaisa Conrad Esoke husat i bin kamap olsem ges ov ona long dispela seremoni i tok em i tri olsem dispela skul i no save kisim helpim.

Tasol em i bin amamas tru long lukim olsem ol papa mama

i no bin sindaun nating na wet tasol i stap. Nogat. Ol i pilaim pat bilong ol long wokbung na reism sampela moni we bai i ken helpim skul.

Mista Esoke long taim em i opiseli opim wanpela nupela haus slip bilong ol tisa i stap na elementri klasrum i tok gavman long distrik na provinsel level bai i ken helpim tasol wok em i mas stat pastaim na bihain gavman bai i ken kamap na givim helpim na sapot.

Em i tok olsem advaisa em bai toktok na pait strong long edukesen bod long provinsel level so ol lain husat i stap long atoriti bai i ken kamap wantaim sampela gutpela tingting long brigim sampela helpim i go long Barola praimer skul.

Sensus bai helpim Bogenvil long ol wok plening

Aloysius Laukai i raitim

NESENEL Sensus o kaunim bilong olgeta manmeri na pikinini bai kamap long dispela yia bai helpim tru Bogenvil long tokaut hamas manmeri em i gat.

Dispela bai helpim long mekim ol gutpela na stretpela plen long Atonomes Bogenvil Rijen (ARB), 2010 Sensus Kodineta bilong ARB, Joseph Tseraha i tok.

Mista Tseraha i tok insait long las 20 yia, Bogenvil i no save long trupela mak bilong populesen o hamas man, meri ba pikinini tru em i gat long en.

Em i wokim dispela toktok long pinis bilong tripela de Nesanel Populesen na Hausing Sensus woksop long Buka las wik Fraide.

Mista Tseraha i tok olsem nogat sensus i kamap long Bogenvil stat yet long 1990 bikos long Bogenvil hevi. Na dispela we i bin kamap long 2002 i no bin kamap long Sentrel Bogenvil bikos hevi i bin stap yet long hap.

Em i tok bikos long ol dispela hevi, olgeta plening long Bogenvil i no beis long trupela namba bilong pipel tasol long mak yet we ol atoriti i tingim i mak.

Em i tok sensus bilong dispela yia bai kisim stretpela namba we ol gavman plena i laikim long mekim ol plen skelim wantaim ol trupela namba.

Em i tok bikpela samting long olgeta pipel long Bogenvil i mas sanap na ol i kaunim ol.

Mangi Mosbi na Monki Saina



NOKEN krangi, em Gavana bilong Nesanel Kapitel Distrik, Powes Parkop tasol wantaim wanpela monki long Chimelong Safari Pak long ples Guangzhou long Saina. Mista Parkop i bin raun i go long Saina long kirapim wokbung wantaim Chimelong Grup ov Kampanis long sanapim wanpela Zoo o ples bilong lukautim ol kain kain enimal, na wanpela konsavesen pak, long Pot Mosbi na Saina wantaim. I gat plen i stap long kisim ol kain enimal olsem ol monki, ol jiraf, na arapela kain enimal bilong ol arapela kantri i kam stap long PNG. Poto: NCDC

Madang papagraun i no pait long kisim mani

Ikam long pes 1

Em i tok ol i kisim tok klia long ol savemanmeri bilong solwara na wok maining, olsem sapos kampani i pulim paip na pamim ol pipia ain bilong maini go insait long solwara, em i ken bagarapim solwara, rip na olgeta pis na kain kain abus i stap insait long en.

Namba tu astingting ol papagraun i gat, em bilong autim ol dispela tok klia bilong ol saiens savemanmeri, na namba tri, i gat bikpela hap tok klia i mas kamap yet long stretim na luksave long ol tru tru papa bilong ol graun kampani i yusim bilong kirapim main.

“Dispela kot i no bilong kisim kompensesen bilong ol papagraun. Nogat. Mipela i kotim kampani na askim kot long pasim ol long go na kirapim wok we i ken bagarapim solwara bilong

ol asples. “I no bilong kisim winmani o kompensesen. Nogat,” Misis Nonggorr i tok.

Em i tok klia olsem kot i oraitim pinis askim bilong ol papagraun long wanpela injanken o tok pasim bai kampani i tambu long kirapim wok bilong silip paip na arapela kain wok we i ken bagarapim busgraun o solwara bilong ol asples.

Nau yet, ol papagraun i amamas long dispela namba wan win long kot, na ol i redim olgeta stori bilong ol long lukluk long narapela kot gen bilong strongim dispela tok tambu na pasim wok olgeta.

Neks wik: Wantok Niuspepa bai glasim kain sistem ol main i save yusim long tromoi ol pipia bilong wok maining i go insait long solwara. Dispela sistem em ol i kolim Sabmarin Telings Disposal.

OXFORD, TOK PISIN INGLIS DIKSENERI

Katim, na pulimnapim oda fom daunblo na selim i kam long Wantok Niuspepa sapos yu tek traim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Harap na kisim wanpela bilong ol dispela gutpela buk wo inap strongim Tok Pisin bilong yu.

ORDER FORM

ITEM	QTY	PRICE	TOTAL
PNC Tok Pisin English Dictionary	1	9780195351129 \$38.00	

Subtotal: \$38.00
GST: \$3.80
Total: \$41.80

Payment Method: Cash Cheque Credit Card

Address: PO Box 1111, Port Moresby, PNG

FAX BACK TO: (675) 325 2579

Name: _____ Title: _____
Address: _____
Phone: _____

Somare askim long moa wokbung wantaim Nu Silan

Ol Hela sumatin belhat

Michael Novingu i raitim

WELLINGTON, Nu Silan: Praim Minista Gren Sif Se Michael Somare i tok amamas long Nu Silan Praim Minista John Key long gutpela sapat Nu Silan i givim Papua Niugini (PNG) stat long taim kantri i kisim Indipendens long 1975.

Se Michael i tok olsem stat long dispela taim i kam wokbung namel long tupela kantri i kamap bikpela.

Em i mekim dispela tok long aste Trinde 21 Epril long taim we em na grup bilong em i mekim wanpela wik wokabaut raun long Nu Silan.

Ol wokbung Se Michael i tok em long hap bilong givim trening long ol save-manmeri, wok bilong agrikalsa na ami.

Se Michael i tok em i amamas tu olsem Nu Silan gavman i bin givim K3.7 milion long kamapim ol smolholda fama projek long ol ples long kantri.

Em i tok Nu Silan i gat planti samting long sait bilong wok agrikalsa olsem lukautim sipsip na kau olsem na em i gutpela long PNG lainim ol dispela kain



AMAMAS: Se Michael wantaim delegesen bilong en bipo long Nu Silan Palamen Haus.

wok long en.

Long taim em i tok olsem Se Michael i askim long helpim bilong Nu Silan long givim trening long ol yang-pela PNG manmeri long Foren Sevis.

Em i toksave tu long Mista Key long sot bilong ol save-manmeri long sampela sekta olsem maining na petroleum, moa long ges long kamapim Likuifaid Nettle Ges (LNG) projek.

"Mi toksave long em (Key) olsem wanpela bikpela projek (LNG) i laikim tru ol save-manmeri long dispela sekta.

"Developmen bilong dispela projek bai senisim tru Papua Niugini long nara-pela 40 yia i kam. PNG bai kisim olsem K36 bilion long tru tru wok long 30 yia taim.

"Gros Domestik Prodak (GDP) bai go antap long strongim laip na sindaun bi-

long ol manmeri," Se Michael i tok.

Em i toktok tu long helpim em Nu Silan i givim long bringim wanbel i go long ailan bilong Bogenvil na long ol wokmanmeri i salim long kamapim dispela wanbel.

"Dispela em i wanpela samting i kamap na bai oltaim i stap bilong tupela kantri i tingim bek long taim tupela i strongim poroman

pasin.

"Long taim namba tu ileksen we bai kamap long liklik taim (Raikos Open) Gavman bilong mi i askim Nu Silan long kamap na lukim bai gutpela ileksen i kamap," Se Michael i tok.

Ol samting we PNG i salim i go long Nu Silan long dispela taim em wel, kopi, timba na sampela moa ol arapela samting.

Tupela lida i toktok tu long wok bilong RAMSI (Rijinel Asistens Misin long Solomon Ailans), kibung bilong PIF (Pasifik Ailan Forum) na MSG (Melanesien Spiahet Grup).

Long gavman bilong Fiji Se Michael i tok wari bilong em i stap long ol manmeri bilong Fiji olsem em bai putim ia yet wantaim Gavman long tokim ol long givim ol manmeri moa fridom long rait bilong ol.

Se Michael i luksave long ol wok em Nu Silan i mekim long bringim bek demokratik gavman long ailan bilong Fiji na joinim ol kantri bilong Komenwel.

Se Michael i tok amamas long toktok bilong wantaim Key na i tok em lukluk long kisim Key taim Key i kam long PNG.

Ol Hela Sumatin long Yunivesiti ov Teknoloji na Politenik Koles long Lae Morobe Provins i no wanbel wantaim LNG Projek Divalopa, na JDA Wokman, stopim ol long noken karimaut wok bilong ol kisim ol wokmanmeri long wok olsem, trening prodakten operesen long wanem ol i no kisim ol papa graun sumatin.

Presiden bilong Hela Sumatin Asosiesen long Yunivesiti ov Teknoloji long Lae Hela Kayabe i tok, Divalopa bilong LNG Ges Exxon Mobil i tok promis long Papua Niugini benefit sering tok orait long Kokopo na Ngoli olsem ol bai kisim ol papa graun pas-taim long wok bihain long ol i kisim ol manmeri long arapela provins.

Mista Kayabe i tok, promis ol i mekim i no karim kaikai, olsem na mipela i stopim ol long noken go het long wok bilong ol inap ol i makim ol Hela sumatin long mekim dispela wok.

Ol sumatin i givim faivpela askim i go long Divalopa Exxon Mobil na JDA Wokman long glasim gen ol wok aplikesen o pepa i stap olsem.

- Glasim gen ol aplikesen o wok pepa bilong ol sumatin long projek hap long kisim wok.
- Maski, wanem kain kondisen ol i givim, nambawan samting ol i mas givim sans long ol aplikesen long ol Hela o papa graun olsem ol i promis long papa graun benefit serim agrimen long Kokopo na Ngoli.
- Ol i mas makim 70% pesen long wok long ol sumatin long Hela long kisim wok.
- Arapela 30% pesen ol i mas makim long Sauten Hailans na arapela provins.
- Maski wanem kain samting ol mas bihainim plen bilong ol long kisim ol papa graun long wok.

Presiden bilong Hela sumatin long Lae Politenik Koles Dickson Kunini i tok ol papa graun sumatin i no wanbel wantaim Exoon Mobil long makim tupela sumatin tasol long wok i no stret, promis ol i mekim i no karim kaikai, Mista Kunini i tok kampani mas glasim gen ol wok aplikesen na kisim ol papa graun sumatin long wok.

Samting olsem 100 sumatin kamap long Lae Intanesinel Hotel long stopim wok long kisim ol wokmanmeri long Mande dispela wik.

Panguna Kopa main i mas op bek

PANGUNA Kopa main i mas op bek long sapatim Otonomes Bogenvil Gavman (ABG) i mekim ol wok long ranim Bogenvil na tu helpim ol Panguna papagraun.

Siaman bilong Panguna Lenona Asosiesen, Chris Damana, i wokim dispela toktok long wanpela bung long Arawa las wik we Memba bilong Kokoda long Sentrel Bogenvil, Rodney Osio, i bin givim wanpela K2 pepa mani olsem mak bilong amamas long Mista Damana long sapatim ol wok long opim bek Panguna main na helpim ABG i kamapim inap mani long mekim ol wok bilong em.

Taim em i givim K2 pepa mani i go long Mista Damana, Mista Os-

ioco i tok dispela K2 pepa mani i makim K2 ol meri long Arawa maket i save bungim tasol manim i ken go antap long K200 sapos Panguna main i op bek gen.

Mista Damana i toki ol Panguna papagraun i tok orait pinis long opim bek main bihain long ol toktok wantaim Bogenvil Kopa na nesenel gavman i pinis.

Mista Damana i tok sapos Panguna Kopa main i no op, Bogenvil bai i kisim taim tru long painim mani na ranim ABG.

Niu Bogenvil Pati i bin go pas long kamapim dispela bung long Arawa las wik.

Long sait bilong ABG ileksen nius long Bogenvil, askim i go aut

long ol manmeri long noken bagarapim ol ileksen posta bilong ol kendidet we ol i putim long ol pablik hap. Na tu, long noken wokim trabel nau inap long taim ileksen i pinis long mun Me.

Presiden James Tanis na ekting Sif Elektorel Komisina Reitaman Taravaru i wokim dispela askim bihain sampela lain i bagarapim posta bilong presiden na ol nara-pela kendidet we ol i putim long ol pablik hap.

Ol i tok ol i tromoi bikpela mani long prinim ol dispela posta, na tu dispela ol posta i bilong helpim ol vota i luksave long ol kendidet ol i laik makim.

Polis i mekim strongpela tok

lukaut i go long pablik na tok ol lain i bagarapim ol posta bilong ol kendidet o wokim trabel long ileksen taim.

Nau ol kendidet i wokabaut long ol strit na raun long ol konstituensi bilong ol long kisim sapat. Taim bilong kempen bai pinis long Fonde, Me 6 na ol manmeri bai stat long vot long neks de Fraide, Me 7.

Long wankain taim tu, pastaim Bogenvil Rijinel memba i sanap resis long sia bilong presiden, John Momis i tokim ol manmeri long Arawa olsem em i sanap strong long kisim Bogenvil i go long referendum na long bihain taim bilong em sapos em i win long dispela ABG jenerel ileksen.



WORKING ALL OVER PNG





BRUT - SLIP ON



**NUBUCK - 6" LACE UP
SUEDE LEATHER**



**EXPLORER - 8" LACE UP
BROWN KIP LEATHER**

BULLDOG BOOTS:

- Dual density Polyurethane rubber sole for extra comfort and increased wear
- Lightweight
- PORON inner soles for exceptional comfort
- Wide Steel Toe Caps
- Full Length Tongue
- Certified to AS/NZ 2210.3
- Oil & Heat Resistant Sole
- Padded Collars



BISHOP BROTHERS NATIONWIDE *everything for industry...* www.bishopbros.com.pg Email: sales@bishopbros.com.pg

Bank Anytime, Anywhere. 24 hours a day, 7 days a week

SMS banking customers over **40,000** and growing!



Get out of the queue with SMS Banking. It's fast, simple and more convenient.



Get started. Register today at any BSP branch.

2 EZY!

www.bsp.com.pg

Top Katolik Sios menesmen i mas mekim samting

ASBISOP John Ribat bilong Pot Mosbi Katolik Asdaiosis taim em i sori long harim wanpela sumatin bilong Jubili Katolik sekonderi skul i dai long tupela Fraide i go pinis i kain pasin i wok long kamap tude we ol yangpela i raun nabaut long strit wantaim ol naip na pait i soim olsem kain stap bilong kantri na sosaiti i no stret.

Na ol tisa, sumatin na ol papamama i mas wokim samting long stretim dispela hevi insait long ol skul.

"Yumi i mas stretim ol hevi na vailens i wok long kamap insait long ol skul. Ol Katolik skul i ples we i sapos long seif, soim pasin bilong marimari na belgut we ol sumatin i sapos long skul gut beis long ol Kristen velyu. Ol tisa, prinsipel na woklain bilong ol skul na ol sumatin bai wok hat long stretim dispela kalsa bilong vailens na ol long liklik lain sumatin. Kain pasin i brukim also we Katolik Edukesen i sanap long em na em bai i no sanap lukluk long ol dispela kain samting i kamap," Asbisop John i tok.

Solomon Aringa Garap em dispela sumatin i bin dai long Godons bihain long wanpela man i sutim em long sait wantaim naip. Bikos long ol dispela trabel, 5-pela (Katolik) skul i bin pas wanpela wik bipo long namba wan skul tem malolo.

Asbisop John i bilip olsem sumatin i no dai bikos long pait namel long ol sumatin bilong ol Katolik sekonderi skul long siti, tasol long narapela samting ausait long dispela ol pait yet. Tasol em i autim tok sori na tok preia bilong em i stap wantaim famili bilong manki long dispela taim bilong sori.

Long wankain taim, menesmen long top level bilong sios i mas mekim samting nau long daunim ol hevi i wok long kamap insait long ol skul we Katolik Sios i papa long ol.

Na insait long ol Sande toktok, ol pater i mas givim moa stiatok long "morality" o bihainim na mekim stretpela

pasin we i sut long ol samting i wok long kamap long kain stap na sindaun yumi i gat long tude. Dispela em bikos planti yangpela pikinini bilong yumi tude na moa yet, ol skul manki na meri i mekim planti kain samting i no stret olsem pait nabaut, smokim spakbrus, go insait long jenereksen kalt na sampela skul pikinini meri i paul wantaim ol traipela marit papa.

Dispela em sampela long ol komen o toktok wanpela papa i no laikim nem bilong em i kamap long Wantok Niuspepa i tok, bihainim ripot aste olsem ol i pasim 5-pela Katolik Sekonderi skul insait long Nesenel Kapitel Distrik. Em ol skul olsem Jubili, De la Salle, Marianvil, Caritas na ol Don Bosco skul em ol i pasim ol bihainim ol

pait namel long ol skul sumatin na wanpela Gret 11 man sumatin bilong Jubili Sekonderi i bin dai long las wiken long Gordons.

Ol trabel na hevi i stap long sampela yia nau long sampela ol Katolik skul insait long Nesenel Kapitel Distrik na planti papamama we ol pikinini i skul long hap i autim wari bilong ol.

"Ol hevi i wok long go het yet bikos ol lain i go pas long sios edukesen na ol skul Bot Menesmen i no strong o strik tumas long sanap pait long ol Kristen "principles" o gutpela pasin. Yumi mas toktok long stretpela pasin, wanem samting i no gutpela, wanem i stretpela long ol sumaitn long Gret 5 yet. Na long ol stiatok (homily) bilong pater long Sande, skelim

wantaim kain sindaun na laip bilon g tude na wokim," wanpela mama i tok.

Em i askim tu sapos Asbisop o hetman bilong sios long Pot Mosbi Asdaiosis we ol Katolik Sios skul i kam aninit long lukautim bilong em wokim sampela toktok long dispela ol samting i kamap.

Long wankain taim, ol edukesen atoriti long NCD i bung na lukluk long dispela ol hevi i kamap na 5-pela Katolik Sekonderi skul i pas.

Wantok i bin laik kisim toktok long Katolik Edukesen Sekreteri, tasol em i tok Asbisop John Ribat yet i mas mekim ol toktok makim sios i papa bilong ol skul i wok long biruaim ol yet.



HATWOK KARIM KAIKAI: Tupela niusmeri sumatin, Jayleen Morris i wok nau wantaim Dijisel Pablik Rilesens na Geejay Milli bilong Nesenel Niuspepa i amamas olsem brukim het long stadi na mekim ol asaimen i pinis nau na ol i greduet na kisim digri pepa bilong ol long las wik Fraide long namba 55 UPNG greduesen. Sampela ol greduet bai go wok wantaim bikpela LNG ges na wel projek. Tasol Esso Hailans Menesing Dairekta Peter Graham long greduesen taim i tok tru, ol bai kisim ol yunivesiti greduet tasol i no bikpela namba tumas. Ol bai kisim ol isi isi na givim moa trening taim projek em i isi kamap long ol stej o level.

Poto: Dijisel PR desk.

YUMI na HIV
WANTAIM
Fr Jude Ronayne
Forde OFM



Lukautim sikmeri

SAMPELA wik i go pinis, mi bin stori long wanpela sikmeri, mipela i bin lukautim.

Mipela i bin karim em i go long bikpela haus sik long Pot Mosbi (POMGH) tasol ol i laik edmitim em na ol i tok: "karim em i go bek long haus". Mipela i karim em i go bek long haus na wanpela sikmeri i bin lukautim em. Dispela meri i wok olsem nes - givim kaikai long em, wasim em, klinim toilet bilong em. I no isi, tasol meri i wokim i go i go na em i no komplek. Em i sori long sik sista bilong em na em i wok hat tru long lukautim em.

Dispela samting nau mi tok long en i kamap long Holi Wik, wik yumi save tingim wok bilong Krai i bin indai long yumi ol sinmanmeri, antap long diwai kruse.

Stat long dispela wik turangu sikmeri i wok long go daun. Long skel bilong mi, mi ting bai em indai long Gut Fraide stret. Sikmeri tu i pilim taim bilong em i klostu pinis na em i askim mipela long karim em i go i stap wantaim sampela famili bilong em. Em i laik indai klostu long haus bilong ol famili bilong em. Olsem na mipela i slipim em long matres na karim em i go long famili bilong em. Taim ol lain famili i lukim mipela i kam - i nogat welkam - ol i tok: "Haus i pulap. Em i no ken kam insait hia."

Mi traim long tokim ol long sik bilong meri. Olsem indai i klostu nau na bai em i stap tupela o tripela nait tasol. Bai em i slip long matres; em i no kaikai na wok bilong senisim ol bombom tasol na wasim em i stap tasol. Tasol, em i bikpela laik long stap wantaim yupela na indai hia wantaim yupela. Tasol, ol i tok nogat! Tok nogat i strong tru na mipela i aiwara na krai i stap.

Holi Wik na ol i tok nogat long wanblut bilong ol. Marimari i stap o kruse bilong karim i hevi tumas? Yumi no ken jasim man long dispela. Tasol, mipela i nogat tok nau. Nogut kros i kamap. Mipela i go bek wantaim sikmeri; tasol bel hevi i stap na mipela i krai.

Mipela i karim sikmeri i go bek long Bethany Hospice na dispela narapela sikmeri i wok long lukautim em. Em i no indai long Gut Fraide em indai long Sarere nait. Mi tokim wanpela brata long meri indai. Em i tok: "Alleluia". Tru em "Alleluia" long lain i lukautim na lavim em. Taim man i stap laip yu ken mekim gut long em. Taim em indai, las marimari em bilong planim em gut. Mipela yet i baim kofin, ples matmat na planim em. "Alleluia."

Raun lukim ol
mama na pikinini



WOKIM MAT: Mama Milen Be i save tru long wokim mat olsem dispela piksa i soim.



REDILONG OFA: Sampela mama bilong Sen Charles Lwanga, Gerehu i redi long paifim ol liklik kundu na singsing long wokabaut kisim ofa i go long pater.



SELEBRET: Dispela ol pikinini bilong Rainbow i gat samting long selebretim na ol i amamas i stap.

Ol salens long wok long opis bilong presiden

Veronica Hatutasi i raitim

WOK olsem pesenel asisten na sekreteri bilong Otonomes Bogenvil Gavman (ABG) presiden i no wanpela isi wok.

Na em i hat moa taim yu wanpela meri.

Serah Anugu, bilong Siwai Distrik long sautwes Bogenvil, i wok olsem pesenel asisten long ABG presiden i stat yet wantaim namba wan presiden bilong ABG, Leit Joseph Kabui i kam i kam inap long nau Presiden, James Tanis.

Long dispela wok olsem pesenel asisten, sampela taim, em i save wok abrusim taim bilong wok long 8 kilok moning inap long 4.06 apinun na i go yet long 10 kilok nait.

Dispela em taim sampela bikman i kam long bungim presiden o sapos em i go long ol bikipela bung na ol kaikai.

Insait long wok bilong Serah olsem pesenel asisten na sekreteri, olgeta de em i save lukim na traime helpim pipel long ol wari na askim ol i laik lukim presiden long en.

Dispela em ol samting olsem askim long skul fi helpim, sekim ol projek na ol kleim long ol samting bilong ol we ol i lusim o i bin bagarap long Bogenvil hevi. Long sait bilong ol narapela

wok em i mekim long opis bilong presiden, olgeta balus tiket bilong em, ples we em i slip long em na kaikai samting taim em i go long wok long Mosbi na ol narapela hap bilong kantri na ovasis wantaim.

Serah i mas redi tu long ol senis we i ken kamap nating, na i nogat toksave, bikos taim dispela i kamap, em i mas toktok wantaim ol fainens lain long kisim moa mani long peim ol hotel bil na ol narapela samting moa.

Tasol wantaim ol salens olsem, Serah i save mekim ol wok wantaim komitmen na gutpela bel, stat yet wantaim olpela bis na wantaim nau presiden.

Em i tok tu olsem dispela wok i gat planti salens na sampela taim, hevi i ken kamap insait long famili. Tasol sapos man i gutpela na i givim luksave, ol samting bai go gut.

"Bikos long ol wok we bikipela opis olsem i gat na sampela taim tu, mi save go wantaim presiden long ol wok ausait long Bogenvil, dispela i ken kamapim hevi. Tasol bikipela samting em man tu i mas i gat gutpela tingting na luksave long wok bilong meri. Mi lainim planti samting long sait bilong sevim pipel na long narapela ol wok long opis bilong presiden," Serah i tok.

"Mi holim dispela wok mi lukim mi yet olsem mama bilong olgeta Bogenvil pipel na mi no wok mani tasol long sevim pipel olsem sekreteri na asisten bilong presiden," Serah i tok.

"Mi painim olsem em i salens tru long wok stretim ol senis long wokabaut bilong presieden i kamap wantaim nogat toksave. Mi mas toktok wantaim ol fainens lain long givim moa mani na dispela i no isipela wok. Mi no bin driman olsem wanpela de, bai mi wok long bikipela opis olsem sekreteri bilong wanpela bosman, tasol mi amamas long ol salens we dispela wok i givim mi long en," Serah i tok.

Tasol Serah i bin wok long opis bilong Ombutsmen Komisn long Mosbi pastaim na dispela i bin redim em long wok long bikipela opis olsem. Tasol wok i no wankain.

"Taim mi wok long Ombutsmen Komisn opis, wok mipela i mekim em long glasim ol politisen na ol bikman pablik sevan, glasim ol anuel stetmen, ol wok ol i mekim i no bihainim lo na painim ol evidens long lukim olsem ol asua mipela i kisim na mekim ripot long em i trupela," Serah i tok. Tasol wantaim ABG, wok i sut long ol pipel husat i laikim bai presiden i stretim wari na askim bilong ol kwiktiam.

Jisas i gutpela wasman bilong yumi



DISPELA wik Sande rit, bai yumi harim Jisas i gutpela wasman bilong yumi. (Jon 10) Long olgeta de, yumi harim na ridim long EM TV na Niuspepa i stori long gutpela lidasip na lidaman long kantri bilong yumi.

Ol dispela i gat as tingting na ol i save kamapim long wanem, yumi bin lukim ol lida bilong yumi i no moa pas wantaim yumi na helpim na lidim yumi long wanem, mani na kainkain wok senis i kamap long dispela kantri i paulim pinis ol lida man bilong yumi.

Yumi nogat tras na bilip bikos lidasip bilong ol long lidim ol pipel i nogut na bagarap pinis. I no ol ilektet lida tasol, nogat.

Yumi wasman bilong Sios tu i kamap nogut, long wanem yumi sios lida tu i mekim paul wok na yumi i no moa glasim gutpela wok piksa Jisas i wok na soim yumi.

Jisas i tok, Mi yet mi gutpela wasman bilong sipsip. Sapos yumi glasim gut Jisas i tok tru na tok stret. Long yumi tasol em i lusim laip bilong em yet na i helpim yumi, em i no stilman long kam na stilim yumi nating.

Yumi mas save, God i bin salim em i kam long mekim dispela wok bilong lukautim yumi olsem gutpela wasman na taim

em i dai em i helpim yumi. Em i no wok long pe, nogat em i bin wok na givim laip bilong em yet longlidim na sevimyumi.

Long dai bilong em na kirap bek i brukim traipela tudak na oraitim yumi long siom olsem em i trupela na stretpela wasman bilong yumi.

Jisas gutpela wasman bilong yumi i no dai nating, em i dai long bringim yumi i go long wanem rot God i stap long em. Em nau em gutpela skul insait long wanwan sios lida i mas redi long karim hevi, redi long dai na redi long lidim na kamap gutpela na stretpela wasman long ai bilong God.



'Kaunim mi tu, Milen Be'

'Kaunim mi tu, Milen Be' em het-tok bilong dispela trening we moa long 100-pela manmeri husat makim wan wan Lokol Level Gavman (LLG) eria na ol wan wan liklik ples o sensus yunit insait long Milen Be provins.

Dispela provins we I stap klostu long solwara (maritime) i bin ronim trening long wanpela taim tasol na ino tupela taim ol mas kisim long en bihainim tok bilong Nesenol Statistikal Opis (NSO) husat i save wokim wok bilong gavman long sait bilong kaunim ol manmeri na ol haus. As tingting bilong Milen Be Provinsel Sensus Stiarin Komiti long givim wanpela trenin tasol na ino tupela em long sevim moni na taim bikos planti bilong dispela lain kam long ol lonwe hap bilong ol kainkain ailan na ino klostu long biktaun Alotau.

Long ol dispela 16pela man husat makim ol LLG eria i gat ol bikipela save long ol kain bikipela wok na dispela trening em olsem bilong stretting gut tingting gen tasol em i wanpela nupela skul bilong ol manmeri husat makim ol sensus yunit. Dispela man husat makim ol LLG eria i bin kisim skul bilong lukautim na ronim wok sensus long wanwan distrik. Tasol ol arapela lain I bin lainim long pulumapim ol sensus fom na long wokim ol map bilong wanwan ples.

Dispela wok bilong wokim ol map i bilong skelim wantaim ol map bilong pastaim long lukim wanem ples i sensus long kamap bikipela o long kamap liklik gen.

Senis long ol ples long kamap liklik i save kamap long kainkain rot. Em save kamap long taim nogut man yet i save kamapim olsem ol trabel fait na ol saming em yet i save kamap na em i olsem ol maunten paia, graun bruk o solwara solap kam na kilim ol manmeri.

Dispela kain ol taim nogut save daunim ol namba bilong ol haus, manmeri na ol kainkain samting bilong em na komuniti olsem ol gaden, ol animol o ol skul na hausik.

Ol map bilong ol ples makim ol bus, wara, skul, hausik, maunten, rot bai helpim gavman gut long taim bilong wokim polisi, plen na karim aut wok bai dispela plen i gen karim kaukau. Long taim bilong trening, ol lain Milen Be i winim Konsel bilong ol na tok: "Kaunim mi long Milen Be".

Na long nau yet, namba tu priest bilong ol sensus kwestenea i kamap long Lae and Makam distrik bilong Morobe. Bai yu ridim stori bilong em long narapela wik long dispela kolum.

KIKSTATIM DEI WAINAIM NESCAFÉ

Scratch and Win

Promotion

1,000 Nokia 2330 Mobile Phones



50,000 NESCAFÉ 3in1 7g



CONDITIONS APPLY

NESCAFÉ

Maladina mas rausim ol pinga bilong em long mama lo



Namba 2 hap

BILONG helpim ol lain rida bilong dispela kolum, husat i no bin ridim las wik, mipela i tok klia gen long wanem samting i stap insait long original Seksen 27 bilong Konstitusen, olsem:-

27. Ol wok bilong opis.

- (1) Man o meri [em ol lida] ... em pasin bilong em, long pablik o long praiwet laip bilong en, na long wok bung wantaim ol arapela manmeri, i noken -
 - (a) kamap long sindaun we em i stap long konflik ov intares o stap insait long wok we em yet i ken kisim samting taim em i mekim pablik o opisal wok bilong en; o
 - (b) mekim samting i daunim opis o posisen em i gat; o
 - (c) larim pablik o opisal luksave, o nem bilong en long bagarap; o
 - (d) long pretim o daunim luksave na bilip, na gutnem bilong gavman long Papua Niugini.
- (2) Moa yet ... [lida] ... i noken yusim opis bilong em long kisim samting bilong em yet o long go insait long wok bisnis o arapela wok we i ken mekim pablik i tingting nogut long wok bilong em aninit long ol stia long Sabseksen (1) [antap].

(3) Narapela wok bilong ... [lida] ... em

- (a) bilong luksave wantaim strong bilong em yet, olsem man o meri na pikinini na husat arapela manmeri i stap long lukaut bilong em (maski hauslain, aninit long lo o i makim pes o maus bilong em), olsem ol nomini, ol trasti o ejen, i noken mekim pasin we i ken mekim pablik i tingting nogut long lida i mekim stret wok bilong em aninit long dispela Seksen; na
 - (b) sapos em i mas mekim, em i mas tokaut long pablik olsem em i no stap insait o wantaim wanem kain wok o bisnis bilong ol asosiet, o husat manmeri i stap pinis long paragraph (a), we i ken kirapim tingting nogut long wok bilong lida.
- (4) Ombudsman Komisin ... i ken ... [aninit long olgeta arapela lo i stap long stiaim pawa na wok bilong en] ... givim oda, long olgeta o long wan wan lida, long bihainim stret olgeta toktok insait long dispela Seksen [27].
- (5) Husat manmeri ... [em lida] ... husat ---
 - (a) i kisim kot mekimsave long asua em i mekim long opis o posisen bilong em long sait bilong wok em i mekim; o
 - (b) i no bihainim wanpela oda aninit long Sabseksen (4) o i no karimaut wok bilong em aninit long ol Sabseksen (1), (2) na (3), em i asua pinis long wok bilong em.

Em nau, Maladina na ol wan lida bilong em i go na rausim sampela strong bilong ol pawa bilong Ombudsman Komisin, na ol dispela Maladina Amenmen nau i kamapim dispela:-

1. Pawa bilong givim oda aninit long Seksen 27(4) i no lusim strong bilong em tasol; em i paul olgeta. Maladina i kamapim wanpela nupela sab klos (c) bihain long Seksen 27(3)(b) we i givim pawa long Hetman bilong Dipatmen na ol opisa bilong em aninit long konstitusen long yusim mani bilong pablik "bilong karimaut ol polisi na dairektiv bilong nesene gavman" na "karimaut mani nesene gavman i makim long baset".
Na long strongim dispela pawa bilong ol memba bilong mipela long givim oda long ol Hetman bilong Dipatmen na ol opisa bilong em long givim ol sek bilong ol bai Komisin i no inap pasim, ol i kamapim wanpela nupela Sabseksen (5) we i tok Komisin i nogat pawa long givim oda we bai pasim wok karimaut bilong ol polisi na dairektiv bilong nesene gavman na karimaut bilong mani nesene gavman i makim insait long baset.

Em nau, bungim wantaim ol amenmen o senis bilong Maladina, **we mi makim klia daunbilo**, nupela Seksen 27 bilong Konstitusen nau i stap olsem:

27. Ol wok bilong opis.

- (1) Man o meri [em ol lida] ... em pasin bilong em, long pablik o long praiwet laip bilong en, na long wok bung wantaim ol arapela manmeri, i noken -
 - (a) kamap long sindaun we em i stap long konflik ov intares o stap insait long wok we em yet i ken kisim samting taim em i mekim pablik o opisal wok bilong en; o
 - (b) mekim samting i daunim opis o posisen em i gat; o
 - (c) larim pablik o opisal luksave, o nem bilong en long bagarap; o
 - (d) long pretim o daunim luksave na bilip, na gutnem bilong gavman long Papua Niugini.
- (2) Moa yet ... [lida] ... i noken yusim opis bilong em long kisim samting bilong em yet o long go insait long wok bisnis o arapela wok we i ken mekim pablik i tingting nogut long wok bilong em aninit long ol stia long Sabseksen (1) [antap].
- (3) Narapela wok bilong ... [lida] ... em
 - (a) bilong luksave wantaim strong bilong em yet, olsem man o meri na pikinini na husat arapela manmeri i stap long lukaut bilong em (maski hauslain, aninit long lo o i makim pes o maus bilong em), olsem ol nomini, ol trasti o ejen, i noken mekim pasin we i ken mekim pablik i tingting nogut long lida i mekim stret wok bilong em aninit long dispela Seksen; na
 - (b) sapos em i mas mekim, em i mas tokaut long pablik olsem em i no stap insait o wantaim wanem kain wok o bisnis bilong ol asosiet, o husat manmeri i stap pinis long paragraph (a), we i ken kirapim tingting nogut long wok bilong lida, na
 - (c) **moa yet, wanpela hetman bilong dipatmen husat i bosim tilim bilong pablik mani. I mas, em yet, o ol opisa bilong em i gat luksave long tilim pablik mani -**
 - (i) **i mas tilim gut pablik mani bilong karimaut ol Nesene Gavman polisi na dairektiv; o**
 - (ii) **mekim wok bilong ol long tilim ol pablik mani aninit long lo; o**
 - (iii) **skelim baset mani bilong Nesene Gavman; o**
 - (iv) **i noken paulim o tilim nogut ol pablik mani.**
- (4) Ombudsman Komisin ... i ken ... [aninit long olgeta arapela lo i stap long stiaim pawa na wok bilong en] ... givim oda, long olgeta o long wan wan lida, long bihainim stret olgeta toktok in-

sait long dispela Seksen [27].

(5)Maski Sabseksen (4), ol pawa i stap wantaim Komisin insait long dispela Seksen i no kamapim pawa bilong givim ol dairektiv we i pasim wok bilong karimaut ol Nesene Gavman polisi na dairektiv, na skelim bilong baset mani bilong Nesene Gavman.

- (6) Husat manmeri ... [em lida] ... husat ---
 - (a) i kisim kot mekimsave long asua em i mekim long opis o posisen bilong em long sait bilong wok em i mekim; o
 - (b) i no bihainim wanpela oda aninit long Sabseksen (4) o i no karimaut wok bilong em aninit long ol Sabseksen (1), (2) na (3), em i asua pinis long wok bilong em.

Long kisim stret astingting bilong samting ol memba i mekim, yu mas ridim ol sabseksen (3), (4) na (5) wantaim. Sabseksen (4) em i namba wan pawa bilong givim oda we ol memba i holim. Tasol bihainim laik bilong ol yet, ol memba i kamapim sabseksen (3) we i givim konstitusena pawa long ol pablik sevan long bihainim ol dairektiv o oda bilong gavman we ol i haitim aninit long tok "government policies and directives" o "ol polisi na dairektiv bilong gavman" na "annual budgetary allocations" o "baset mani bilong gavman".

Na nau sapos yu lukluk long nupela Sabseksen (5) we i tok olsem Komisin i nogat pawa long givim daireksen o oda we long astingting bilong en, em i agensim "ol polisi na dairektiv bilong gavman" na "ol baset mani bilong gavman" aninit long Sabseksen (3) antap.

Em i min olsem sapos em i stap insait long banis bilong gavman polisi o dairektiv long yusim pablik mani, na sapos dispela mani i stap insait long baset makim bilong gavman, Komisin i no inap long stopim ol i yusim dispela mani.

Bihain, sabseksen 3(c) i strongim wok i go long ol pablik sevan bilong mipela long ol i mas raitim ol sekmani na givim long ol politisen bilong yumi.

Em nau, sapos ol pablik sevan i no peim ol politisen bilong yumi, ol bai brukim nupela wok bilong ol aninit long dispela nupela sabseksen.

Sore tru olsem nem na astingting bilong Konstitusen i bagarap wantaim dispela ol senis. Ol memba i guria long senisim Mama Lo bilong mipela long kisim kwik mani, na taim ol i traim long mekim dispela, ol i opim ol arapela asua gen insait long lo, we maus bilong ol i olsem maus bilong ol maunten paia.

Namba wan samting - Sabseksen (3) em i au-sait tru long wok lo bilong strongim kantri. **Olgeta hap toktok na astingting bilong namba wan Seksen 27 em bilong stiaim ol lida bilong yumi bai ol i bihainim stret lo, na as bilip bilong Seksen 27 em i "restraint" o "pasin bilong noken abrusim mak".** Ol memba nau i bagarapim dispela bilip, daunim dispela stretpela tingting na pasin, na givim ol pablik sevan pawa bilong damdamim su bilong ol politisen. Em i klia olsem ol senis Maladina i mekim long Seksen 27 em i wanpela giaman piksa bilong kisim isi mani long laik bilong ol.

Sabseksen (3) nau i mekim strongim ol pablik sevan bilong yumi long yusim pablik mani bilong karimaut ol gavman polisi na dairektiv bihainim mani gavman i makim long baset, na dispela pawa i no inap kam aninit long glasim bilong Ombudsman Komisin.

Neks wik, mipela bai lukluk moa long ol senis ol memba i laik mekim long Seksen 28, 29 na 219 bilong Konstitusen we ol i tok bilasim tru Konstitusen we ol i banisim ol yet long kisim mekimsave aninit long Kriminal Koud sapos ol i stilim mani bilong pablik na i gat kot i laik sasim ol aninit long Lidasip Koud.

Na namba tu, ol i larim sanapim bilong wanpela palamen komiti long Ombudsman Komisin long senisim wok bilong Komisin na bosim em long laik bilong ol.

SABINA

MEDIA EXPO

2010

Midia bilong yumi; maus bilong yumi

Kam bungim ol lain i wok long midia na kisim save long wok bilong midia - radio, TV, niuspepa, internet. Ol i olsem ai bilong yumi, na iau na maus bilong yumi.

- Fraide 30 April na Sarere 1 Mei. Stat long 9 kilok moning na i go inap long apinun.
- Sir John Guise Indo Spots Complex, Waigani Drive.

NO GAT PEI LONG LUKIM

OL DISPELA BISNIS HALIVIM MIDIA EXPO:

PNG's Bigger, Better Network.

An initiative of the Media Council of Papua New Guinea supported by AusAID

The Media Council of Papua New Guinea, PO Box 135, Port Moresby, Tel: 323 3265

Maladina must get his sticky fingers off the constitution



PART 2

FOR the benefit of the readers of this column who did not read last week's column, we repeat here the contents of the original Section 27 of the Constitution as follows:-

27. Responsibilities of office.

(1) A person [meaning our leaders] ... has a duty to conduct himself in such a way, both in his public or official life and his private life, and in his associations with other persons, as not -

- (a) to place himself in a position in which he has or could have a conflict of interest or might be compromised when discharging his public or official duties; or
- (b) to demean his office or position; or
- (c) to allow his public or official integrity, or his personal integrity, to be called into question; or
- (d) to endanger to diminish respect for and confidence in the integrity of government in Papua New Guinea.

(2) In particular ... [a leader] ... shall not use his office for personal gain or enter into any transaction or engage in any enterprise or activity that might be expected to give rise to doubt in the public mind as to whether he is carrying out or has carried out the duties imposed by Sub-section (1) [above].

(3) It is the further duty of a ... [leader] ...

(a) to ensure, as far as is within his lawful power, that his spouse and children and any other persons for whom he is responsible (whether morally, legally or by usage), including nominees, trustees and agents, do not conduct themselves in a way that might be expected to give rise to doubt in the public mind as to his complying with his duties under this Section; and

(b) if necessary, to publicly disassociate himself from any activity or enterprise of any of his associates, or of a person referred to in paragraph (a), that might be expected to give rise to such a doubt.

(4) The Ombudsman Commission ...may... [subject to all other laws in place governing its powers and functions]... give directions, either generally or in a particular case, to ensure the attainment of the objects of this Section [27].

(5) A person... [meaning the leader] ... who---

- (a) is convicted of an offence in respect of his office or position or in relation to the performance of his functions or duties; or
- (b) fails to comply with a direction under Subsection (4) or otherwise fails to carry out the obligations imposed by Subsections (1), (2) and (3),

is guilty of misconduct in office.

What Maladina and his likes have done is to water down the powers of the Ombudsman Commission to such an extent that the following is the effect of the Maladina Amendments:-

1. The power to give direction under Section 27(4) has not only lost its effect; it is now totally muddled up as well. Maladina has created a new sub-clause (c) after Section 27(3) (b) authorizing a Departmental Head and his officers and making it their constitutional duty to spend public funds "to implement national government policies and directives" and "implement the national government's budgetary allocation".

And to further ensure that our members' rights to call on their Departmental Head and his officers to give them their cheques is not stopped by the Commission, they have slotted a new Subsection (5) which says the Commission has no power to give directions which would have the effect of preventing the implementation of government policies and directives and further preventing the implementation of the national government's annual budgetary allocation.

Thus, incorporating Maladina's amendments, which are underlined, the new Section 27 of the Constitution now reads as follows:

27. Responsibilities of office.

(1) A person [meaning our leaders] ... has a duty to conduct himself in such a way, both in his public or official life and his private life, and in his associations with other persons, as not--

- (a) to place himself in a position in which he has or could have a conflict of interest or might be compromised when discharging his public or official duties; or
- (b) to demean his office or position; or
- (c) to allow his public or official integrity, or his personal integrity, to be called into question; or
- (d) to endanger to diminish respect for and confidence in the integrity of government in Papua New Guinea.

(2) In particular ...[a leader] ... shall not use his office for personal gain or enter into any transaction or engage in any enterprise or activity that might be expected to give rise to doubt in the public mind as to whether he is carrying out or has carried out the duties imposed by Subsection (1) [above].

(3) It is the further duty of a ...[leader] ...

(a) to ensure, as far as is within his lawful power, that his spouse and children and any other persons for whom he is responsible (whether morally, legally or by usage), including nominees, trustees and agents, do not conduct themselves in a way that might be expected to give rise to doubt in the public mind as to his complying with his duties under this Section; and

(b) if necessary, to publicly disassociate himself from any activity or enterprise of any of his associates, or of a person referred to in paragraph (a), that might be expected to give rise to such a doubt; and

(c) particularly, a head of department who has control of the expenditure of public funds, shall ensure that himself, or his officers, authorized to expend public funds -

(i) properly expend public funds to implement National Government policies and directives; or

(ii) perform their respective legislative duties in relation to the expenditure of public funds; or

(iii) implement the National Government's budgetary allocation; or

(iv) do not inappropriately apply or misuse public funds.

(4) The Ombudsman Commission ...may...[subject to all other laws in place governing its powers and functions]... give directions, either generally or in a particular case, to ensure the attainment of the objects of this Section [27].

(5) Notwithstanding Subsection (4), powers conferred on the Commission in this Section does not include the power to give directives that prevent the implementation of National Government policies and directives, including the implementation of National Government's budgetary allocation.

(6) A person... [meaning the leader] ... who---

(a) is convicted of an offence in respect of his office or position or in relation to the performance of his functions or duties; or

(b) fails to comply with a direction under Sub-section (4) or otherwise fails to carry out the obligations imposed by Subsections (1), (2) and (3),

is guilty of misconduct in office.

In order to get the true effect of what our members have done, you have to read subsections (3), (4) and (5) together. Subsection (4) is the original power of direction which has been retained by the members. But in their wisdom, the members have slotted in subsection (3) giving public servants constitutional power to comply with government directions disguised as "government policies and directives" and "annual budgetary allocations".

And now look at the new Subsection (5) which says in effect that the Commission has no power to give directions which would in effect contravene "government policies and directives" and "annual budgetary allocations" under Subsection (3) above. This would mean that as long as it is within government policies and directives to spend the public moneys, and so long as the money has been budgeted for, the Commission cannot stop the money being spent. Then subsection 3(c) imposes a duty on our public servants to write cheques and deliver the same to our politicians.

In other words, if the public servants do not pay our politicians they would be in breach of their duty under this new subsection.

It is rather sad that the integrity of the Constitution as a whole has been violated. In their haste to amend the Constitution to access easy money, the members have created a number of loopholes in their amendments which are as wide as volcanic craters.

Firstly, Subsection (3) is totally out of alignment. **The whole language and tune of the original Section 27 was that it subjected our leaders to a code of conduct, ethical in both nature and content and the philosophy underlying Section 27 was "restraint". What the members have done is to violate that language, breach that code of ethics, and give the public servants a sense of freedom to lick the politicians' boots.** It is obvious that the Maladina amendments to Section 27 is a totally ineffective disguise to access easy money without restraint.

Subsection (3) now makes it mandatory for our public servants to spend public moneys to implement government policies and directives in line with the annual budgetary allocation and this power cannot be controlled by the Ombudsman Commission.

In the next column we will take a look at our members' further amendments to Sections 28, 29 and 219 of the Constitution whereby they have made a total mockery of the Constitution by providing themselves immunity from prosecution under the Criminal Code if they steal public funds and proceedings have been brought against them under the Leadership Code.

And secondly, they have allowed for the establishment of a parliamentary committee on ombudsman commission to take over the functions of the Commission and basically to keep the Commission under their wings.

SABINA

Kam bungim mi long hap, bai yumi hamamas wantaim!

SINGSING NA PILAI GITA.

KAM INSAIT NA HARIM OL - I NOGAT PEI

Em i Musik long Midia Fridem Festival na ol lain i resis long singsing i stori long olsem wanem midia fridem save halivim sindaun bilong yumi. Na ol i resis long winim K1500.

- Sarere 1 Mei, stat 9 kilok moning na go nap long apinun
- Sir John Guise Indo Spots Complex, Waigani Drive.

OL BISNIS HIA I SAPOTIM MIDIA FRIDEM:

datec Digicel CPL GROUP SP

PNG's Bigger, Better Network.

An initiative of the Media Council of Papua New Guinea supported by AusAID

The Media Council of Papua New Guinea, PO Box 135, Port Moresby, Tel. 323 3265

WANTOK
KOMENTRI

Ol savemanmeri bilong PNG stap we?

OPIS bilong Haia Edukesen, nau i wok strong long kamapim moa savemanmeri bilong kantri.

Dispela wik tasol, OHE i salim toksave i go aut long olgeta gred 12 sumatin long aplai long ol kain kain teknikal na vokesenal wok we PNG i sot long ol wokmanmeri long en.

Ol wok olsem ol Plantesen Menesa, ol Forestri opisa, Fiseris wokmanmeri, ielektrikal teknisin, Kapenta, Plama, mekanik, i go inap ol benk opisa, kompyuta progrema na ol arapela i op nau long ol yangpela bilong yumi.

Insait long wanpela sotpela yia tasol, gavman i luksave olsem kantri i nogat inap ol dispela kain savemanmeri.

Wantaim dispela luksave, Dipatmen bilong Nesenel Plening na Monitaring i wok strongim wok bilong kamapim moa save manmeri bikos i gat planti bikpela risos projek bai kamap.

Namba wan bikpela projek em dispela Likwifait Netseral Ges projek bilong yumi. Tude, dispela wanpela projek tasol i bosim olgeta wok na indastri long kantri.

Tasol i gat ol arapela projek tu i wok kamap we i nidim ol save manmeri.

Olsem dispela projek ol Saina i go pas long en long Madang.

I nogat inap save manmeri i stap insait long ol kain dipatmen olsem Envaironmen na Konsavesen long glasim gut olgeta hevi wok maining i ken kamapim long busgraun bilong yumi long kantri.

Plantu ol dispela projek i wok long kirap bihainim laik na luksave bilong gavman, na ol nesenel lida, na i nogat inap luksave long wok bilong glasim gut olgeta samting ol dispela kampani i mekim long graun bilong yumi.

Olgeta dispela hevi nau i kamap na pasim ron bilong dispela bikpela wok projek, i luk olsem i kamap bihainim pasin bilong gridi, na laikim tumas mani.

Sapos i gat nid long gat moa savemanmeri i gat teknikal save, Nesenel Plening na Monitaring i mas lukluk tu long ol kain wok bilong glasim ol maining projek, na ol rot bilong banisim gut busgraun, solwara, na pasin tumbuna bilong yumi ol pipel.

Mani bai kam na em bai pinis. Ol gris bilong graun i gat mak bilong ol tu.

Tasol laip bilong ol manmeri bilong yumi, na pasin kalsa na tumbuna bilong yumi, em i dia tumas long ol arapela manmeri bilong narapela ples i kam na kilim dai.



Ol pikinini go nogut nau

PASIN bilong ol yangpela tude i narakain tru bikos ol mekim kainkain stail na pasin nau.

Tude ol yangpela werim ol kainkain stail klos, but o stokman su olsem ol waitman save werim long piksa, ol karim mobail telepon na ol harim kainkain stail musik we yumi ol papamama no save harim long bipo.

Musik ol yangpela save laikim nau em olsem rep musik we ol no singsing tasol ol toktok planti na musik kraik wantaim. I no olsem pop musik o kantri musik yumi save laikim long bipo.

Mobail telepon nau em feveret samting long ol bikos ol bai ring na toktok na pulim stori wantaim ol poroman bilong ol.

Taim yunit pinis, ol bai askim papamama long givim ol mani bilong baim yunit. Na ol papamama save harim tok tasol na givim ol mani bilong baim mobail pon yunit. Mobail pon ol save karim tu em ol stail stail tasol. I no liklik Conka o Nokia bilong ring tasol, nogat.

Em ol stail Nokia na Motorola we i gat kainkain



samting long en we kos bilong ol i olsem K500 na go antap.

Nau ol yangpela manki nau save pinis long smok sigaret na dring bia. Ol stap yet long skul tasol ol smok na dring bia pinis.

Bai yumi tok wanem nau? Em orait o i no orait? Tude em narapela taim we i no moa taim bilong yumi ol papamama long bipo.

Ol pasin na eksen na stail bilong tude i no moa wankain olsem ol samting bilong bipo we yumi save mekim.

Olsem na bai yumi tok wanem, larim olsem o yumi bai mekim sampela samting long kontrolim ol yangpela bilong yumi?

Bikpela toktok yumi save harim olgeta taim long maus bilong ol tisa na ol lida em, yumi ol papamama em namba wan tisa long haus. Sapos yumi skulim ol pikinini bilkong yumi gut, ol bai bihainim pasin yumi laikim.

Sapos yumi yet no save salim ol long baim lus smok na buai bilong yumi, ating ol bai no inap long smok. Sapos yumi papamama no save dring bia long ai bilong ol na mekim planti nois na pasin long haus, ating ol pikinini no inap dring bia olsem yumi.

Ating ol laik testim bia i swit olsem wanem bikos ol lukim papa bilong ol save dring na spak. Em yumi yet i namba wan tisa bilong ol pikinini long haus bikos yumi skulim ol pastaim.

Wanpela samting tu em yumi ol papamama save givim bikpela mani long ol pikinini bilong yumi.

Yumi save givim ol moa long K20 olsem na ol save yusim long baim smok na bia long Fraide taim ol pinis skul.

Bikos yumi givim planti mani long ol pikinini bilong yumi nau, ol laik baim ol kainkain stail samting olsem stail mobail pon, MP3 musik, ia pon bilong pilai musik, stail su na kainkain stail samting. Nau ol laik baim bia na smok.

Nau yumi lukim planti nius bilong ol skul pikinini wok

long pait egensim ol arapela skul manki bilong narapela skul. Dispela pasin i kamap long wanem?

Pasin so op o smat kamap nau bikos ol pikinini baim bia na dring na apim nem na skin bilong ol na ol laik soim masol na strong bilong ol egensim ol arapela sumatin.

Ol skul pikinini pait long olgeta hap long Mosbi na Lae siti na dispela hevi wok long go bikpela nau. Bai yumi ol papamama stopim olsem wanem? Inap polis fos kam insait na lukluk long dispela?

Plantu pikinini kisim bagarap na go long haus sik pinis na wanpela bin dai pinis long Mosbi long las wik. Ol papamama wantaim skul mas toktok strong nau na painim rot bilong stopim dispela.

Polis mas kam insait tu na givim sampela tingting long ol papamama na skul. Yumi mas painim rot nau na kontrolim ol pikinini bilong yumi. Sosait bilong yumi nau em senis tru.

Ol pikinini bai winim yumi ol papamama tru tru.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

LAE BISKET KAMPANI OPIM NIUPELA BISKET FEKTORI



Officially opened by the
Governor General of Papua New Guinea,
His Excellency, Grand Chief Sir Paulias Matane, GCL, GCMG, KSTJ
and blessed and dedicated to Christ by the
Apostolic Nuncio of Papua New Guinea
His Excellency Rt. Rev. Archbishop Francisco Montecillo Padilla
and the Chairman of the Catholic Bishops' Conference
of Papua New Guinea and the Solomon Islands,
the Most Reverend Bishop Francesco Panfilo,
SDB, DD Bishop of Alotau on the
17th April 2010



Nupela masin bilong wokim bisket em ol wokim long Kolkata, India

.....ol India wokman kam long Lae na stretim masin

JAMES KILA | raitim

LONG mun Julai 2007, Sir Henry Chow wantaim femili bilong em i kamap wantaim disisen long wokim wanpela nupela bisket fektori long helpim prodaksin bilong tupela fektori bilong Lae Bisket Kampani i stap long Lae na long Gerehu long Mosbi.

Dispela em bikos dispela tupela fektori i go bungim pinis mak long sait bilong prodaksin na bringim saplai igo long askim ol pipel bilong PNG i save gat long dispela gutpela bren bisket em SNAX.

Wanpela bikpela wok risets o painimaut long sait bilong wanem ol teknoloji i stap i bin kamap. Na bihain long planti ol toktok igo kam namel long Intanesinol konsultesin na wok bung wantaim i kamap wantaim disain bilong nupela fektori wantaim ol narapela bilding i bin kamap.


Wanpela lokal akitek, o man bilong droim disain i bin droim ol akitek plen bilong ol bilding na wanpela lokal PNG Konsalting Enjiniering kampani i bin kisim wok long stretim gut wanem ol bilding bai sanap long dispela nupela fektori bilong wokim bisket.

Sir Henry Chow i tok olsem planti ol tingting i bin kamap long bringim wanem masin tru long wokim bisket olsem ol beking oven na ol masin i kam long Yurop, Saina na Japan. Tasol ol i skelim igo na makim India.

Dispela masin long wokim ol bisket em i bihainim disain bilong Britis tasol ol i wokim long Kolkata long kantri India.

Long mun Janueri 2008, Mista Frank Goodwin bilong Bellawin Enjiniering Pty Ltd bilong Melbon, Australia, em ol i kisim em long go pas olsem supavaisa bilong disain, konstraksin na instolesin bilong bisket fektori na long mun Me 2008, Mechtech Disainas na Enjinias PVT LTD (LAHA Femili) i bin kisim kontrak long redim fainol disain na wokim dispela bikpela ol masin long Kolkata long India na salim long sip igo long Lae. Ol lain long Mechtech long Kolkata long India i bin salim tu ol teknisen na enjinia long putim wantaim ol dispela masin long nupela fektori long Kamkumung long Lae. Nambawan ol 27-pela ol masin bilong wokim bisket i bin kamap long Lae long mun Ogas 2009.

Na bihain long dispela 90-pela kontena wantaim ol samting bilong fektori i bin lusim Kolkata long sip na go long Lae. Dispela ol las masin bilong bisket fektori i bin kamap long Lae long Novemba 2009. Na ol teknisen na enjinia bilong Mechtech i bin go kamao long Lae long namel long mun Septemba 2009 long putim wantaim ol masin na redim masin long wok. Ol dispela nupela masin em tupela masin bilong



wokim bisket, em wanpela lain em 105 mita longpela na wanpela tanel oven na masin bilong wokim bisket.

Nambawan lain bilong wok prodaksin bilong bisket i bin pinis long Disemba 31st 2009 na ol i traime wok long en insait long mun Janueri. Ol lain enjinia husat i bin kam long India i bin putim wantaim namba-tu prodaksin lain long Novemba 2009 na i pinisim wok long Februari 2010.

Nupela masin (antap) i muvum ol bisket long redim long fektori na Ol wok-meri stretim ol bisket long fektori lain. Foto: Bustin Anzu.



Nupela Lae Bisket fektori opim dua wantaim stail

JAMES KILA i raitim

MOA long 2,000 manmerl na pikinini i bin stap long lukim selebresin long opim nupela stall fektori bilong Lae Bisket Kampani long Indipendens Dralv klostu long Kamkumung insait long Lae siti, Morobe provins.

Gavana Jenerol bilong kantri, Sir Paulias Matane i bin mekim ofisal opim bilong dispela nupela stall fektori bilong Lae Bisket Kampani

Oi selebresin i bin kamap wantaim planti kala na stail stret bikos dispela nupela Lae Bisket Fektori em i bikpela tru insait long Sauten Hemispia. Em i bikpela wankain olsem ol narapela bikpela bisket fektori insait long Australia na tu long sampela hap bilong wol.

Sir Henry Chow, husat i siaman bilong Lae Bisket Kampani i bin givim toktok bilong em long sait bilong femili na tu wanem bikpela as tingting long kamapim dispela bikpela fektori.

Apostolik Nunsio bilong PNG, Rev Asbisop Francisco Mondecillo Padilla bai mekim dedikesin o blessing long dispela nupela fektori na Siaman bilong Katolik Bisops Konfrens (CBC) bilong PNG na Solomon Ailans Rev. Bisop Francesco Panfilo bilong Alotau tu i bin stap long givim helpim long opim na givim blessing.

Planti ol bikman bilong Morobe provins na sampela ol lida bilong kantri tu i bin go long lukim dispela seremoni long Kamkumung. Namel long ol bikman husat i bin stap long dispela seremoni em Oposisen lida, Sir Mekere Morauta wantaim meri bilong em Lady Roslyn, deputi Oposisen lida na Nesinol Memba bilong Lae, Bart Philemon, Minista bilong Pablik Sevis, Peter O'Neil, Gavana bilong Morobe Luther Wenge, Memba bilong Finsafen, Theodore Zurenouc ol Morobe provinsal gavman memba na tu ol komyuniti lidas bilong Kamkumung viles.

Sir Henry i bin givim liklik histori bilong Lae Bisket fektori taim ol i bin statim nambawan liklik bisket fektori long Voco Poin long 1972. Long dispela taim ol i stat wantaim 30-pela wokman tasol. Stat long dispela taim i kam inap nau kampani i gro na divelop bikpela tru na nau Lae Bisket i gat moa long 450 wokman meri. Kampani nau i stap wok moa long 35 yia.

Em i stori tu olsem long nambawan taim tru taim kampani i bin statim wok bilong en long Voco Poin, ol i save kamapim hap tan tasol long wanpela de. Tude kampani save kamapim 80 tan prodaksin long wanpela de.

Em i stori tu olsem Lae Bisket em wanpela femili kampani we Chow femili i go pas long en. Dispela Chow femili i stap moa long 115 yia long PNG. Stori i go tu olsem dispela tumbuna tru bilong Chow i bin kam nambawan taim tru long PNG olsem wanpela leba man tasol. Oi lain



Gavana Jenerol Sir Paulias Matane wantaim Apostolik Nunsio, Asbisop Francisco Padilla i blesim nupela fektori. Foto: Bustin Anzu.



Jeman i bin kisim em long Saina na bringim em i kam long wok long kopra plentesin long Kokopo long Is Nu Briten. Long dispela taim ol i save kolim ol dispela kain wokman "Coolie Labourers" Sir Henry i stori olsem em i gat 5-pela pikinini man na tupela pikinini meri. Olgeta dispela pikinini i stap inait long wok bilong ronim bisnis bilong Lae Bisket Kampani.

Wokman wok long autim ol snax bisket long dispela niupela masin. Foto: Bustin Anzu.



Gutpela wok wantaim Katolik Sios na komyuniti

JAMES KILA i raitim

SIR HENRY Chow Kt, OBE, wantaim femill bilong em i ronim na menesim sampela ol kampani we i ron gutpela tru insait long Papua Niugini.

Ol dispela kampani igo insait long sip bilong siping, siping ejensi, stevedo na transport na tu ol i wok long sait bilong slipwei, fiksip sip na enjiniaring na tu wokim ol bisket, bred, pastry na wokim na salim ol sosis, smolguks, hem, ril-estet, na plentesin na expot bilong ol timba.

Bihain long skul bilong Henry Francis Chow i bin kambek long skul long Australia long 1958 bihain long em i skul 10-pela yia long hap, em i bihain gutpela pasin bilong ol lain tumbuna bilong em long go insait long ol gutpela pasin bilong komyuniti sevis. Em i givim planti gutpela helpim long komyuniti inap olsem 49 yia olgeta. Em i kamap tu olsem wanpela strongpela man long givim helpim na sapot long ol wan wan manmeri na komyuniti long planti hap bilong Papua Niugini.

● Edukesin helpim

Sir Paulias i tokaut olsem nambawan wok helpim Sir Henry Chow i givim long sait bilong edukesin em taim em i wok olsem vais presiden bilong Mater Dei Pri-skul, em ples we olgeta pikinini bilong em i go long skul. Em i helpim tu long wok olsem seketeri bilong komiti bilong Yang Ching Skul Faudesin na Sacred Hat Skul long 12-pela yia, na bihain em i stap olsem siaman bilong Bod ov Gavana bilong St. Pauls Tisa Koles na Koles bilong Extenol Stadis.

● Rilijin na Komyuniti Sevis

Sir Henry Chow i bin sevim insait long planti yia long Rabaul Katolik Peris long posisen olsem Vais Presiden, memba bilong Fainens komiti bilong Asdaiosis bilong Rabaul na Katolik Bisop Konfrens (CBC) bi-

long Papua Niugini. Em i mekim wok tu olsem Siaman bilong Fainens Komiti bilong Katolik Daiosis bilong Pot Mosbi.

Sir Henry Chow i save mekim planti gutpela wok long helpim Red Cross long taim bilong ol hevi na birua i kamap insait long PNG. Insait long 7-pela yiam em wanpela strongpela memba bilong Lions Klub Intanesinol na i go antap na kamap olsem presiden bilong Rabaul brens long 1967, na bihain em i kamap olsem Deputi Distrik Gavana bilong Papua Niugini long 1968.

● Politiks na Komes

Long 1962, taim Henry Chow i gat 29 kris-mas, ol i ilektim em olsem vais presiden bilong Rabaul Semba ov Komes. Long 1964 em i kamap olsem memba bilong Rabaul Taun Kaunsil. Long 1968 ol i ilektim o makim em olsem deputi siaman, na long 1970 ol i makim em olsem siaman. Em i mekim dispela wok long 4-pela yia long dispela posisen. Long 1970 i kam long 1973 em i bin stap olsem siaman bilong Kombain Lokal Gavman Kaunsil bilong Is Nu Briten provins na long 5-pela yia stat long 1970 igo long 1975 em i bin wok olsem Nesinol Seketeri bilong PNG Lokal Gavman Asosesin.

● Pipols Progres Pati (PPP)

Henry Chow i bin wok olsem wanpela sinia eksekutiv ofisa bilong Pipols Progres Pati (PPP) inap olsem 17-yia olgeta, stat long 1967 inap 1984. Em i bin wok hat long redim o ogenaisim 3-pela PNG Nesinol lleksin long 1972, 1977 na 1884 bilong Pipols Progres Pati (PPP) na fomim o kamapim tupela Nesinol Gavman wantaim Pangu Pati long 1972 na 1977.

● Pllantropi (Givim helpim)

Sir Henry Francis Chow, wantaim grup kampani bilong em i save givim planti gutpela helpim o sapot igo long ol lain turangu insait long Papua Niugini. Kampani bilong em i save sapotim na tu helpim 26-pela

spots klub na grup insait long PNG. Ol i save sapotim na tu kamapim wok meintenens na stretim ol haus-lotu na tu givim helpim olsem mani sapot igo long ol sios peris. Ol i save givim helpim long bel bilong ol stret long ol pipel wantaim mani mak we i moa long K200,000 long sait bilong spots, lotu na welfea ogenais-esin.

● Kwin bilong Inglen givim Awot long Sir Henry Chow

Kwin Elizabeth i luksave long gutpela sevis Sir Henry Chow i givim planti taim i go long ol pipel long Papua Niugini. Olsem na Kwin i givim em taitol olsem "Officer of the British Empire" (OBE) long 16th September 1975. Dispela ona em Sir Henry i kisim long taim PNG i kisim Indipendens, na long taim bilong Milenium Yia long 1st Janueri 2000, Kwin i promotim Sir Henry igo olsem "Knight Bachelor" (Kt).

● PNG Gavman

Long mun Mas, 2000, Papua Niugini Gavman i bin makim Sir Henry Chow olsem memba bilong Nesinol Risets Instituti (NRI). Na long mun Janueri 2007, Gavman i makim em olsem siaman bilong Nesinol Risets Instituti (NRI).

● Honorari Konsul bilong Ripablik ov Singapo

Long mun Mas, 2001, PNG Gavman i makim na givim tok-orait olsem Sir Henry Chow bai i stap olsem Honorari Konsul Jenerol bilong Ripablik bilong Singapo long Mosbi.

● Gavman bilong Ripablik ov China

Long mun Julai, 2007, Sir Henry Chow i bin kisim luksae taim Jaimin Siti i givim em wanpela awot olsem Golden Medol long luksave long gutpela helpim em i save givim long bringimap stendet na welfea bilong ol pipel bilong Sauten Rijon bilong Guandong provins long China.



Sir Henry Chow wantaim Lady Collette Chow i bungim Gavana Jenerol, Sir Paulias Matane wantaim Apostoleit Nunsio bilong Katolik Sios Asbisop, Francisco Padilla long taim bilong opim nupela fektori bilong Lae Bisket Kampani long Kamkumung, Lae. Foto: Bustin Anzu

Chow femili save givim planti helpim long PNG komyuniti wok

.....*Sir Paulias tok amamas*

JAMES KILA i raitim

GAVANA Jenerol Sir Paulias Matane i givim bikpela tok amamas na tenkyu igo long man husat i statim na kirapim Lae Bisket Kampani, Sir Henry Chow na femili bilong em long ol gutpela helpim ol i save givim long Papua Niugini insait long planti ol yia igo pinis,

Sir Paulias i bin mekim dispela toktok long taim bilong ofisal opim bilong nupela K65 mi-lien Lae Bisket Kampani fektori long Kamkumung inisatit long Lae siti. Dispela selebresin i kamap fran long moa long 2,000 manmeri na tu ol pipel husat i kam long planti hap bilong PNG na tu ovasis long go lukim.

Gavana Jenerol i tok amamas igo long Sir Henry Chow wantaim Chow femili long gutpela helpim na hatwok ol i mekim long helpim pipel bilong Papua Niugini.

Nambawan tumbuna bilong Chow femili i bin kam olsem long kantri China na i bin kam olsem wanpela wok-boi tasol. Ol dispela wok-boi ol i bringim i kam long dispela taim em ol i save kolim ol 'Coolie'. Nambawan tumbuna bilong ol Chow femili i bin kam long Kokopi long 1895 olsem wanpela haus-boi aninit long Jeman edministresin.

Long dispela taim ol lain tumbuna bilong ol Chow femil i save wok olsem ol famas tasol long groim ol kaikai long Kaiping kantri long Guandong provins long Sauten China. Wanpela memba bilong femili em wanpela man em ol lain Jeman i kisim em long kam wok long Niugini Jeman kolonial gavman olsem wanpela haus-boi bilong wanpela edministresin ofisa long Rabaul long 1895. Bihain tupela ol yangpela brata i bihainim na ol i kam stap long Rabaul.

Long nau yet ol lain Chow femili i gat 6-pela jeneresin o lain tumbuna olgeta husat i bin stap long Papua Niugini.

Dispela Chow femili i stap na kamap olsem histori bilong Is Nu Briten na Nu Ailan provins bikos ol i save helpim long planti ol komyuniti sevis wok.

"Ol memba bilong wan wan lain tumbuna bilong ol Chow femili i save givim planti komyuniti sapot na helpim igo long tupela provins ya em Is Nu Briten na Nu Ailan," Sir Paulias i tok.

Planti ol manmeri tru i bin kamap long dispela seremoni long las wik Sarere long lukim Lae Bisket Kampani i opim nupela fektori bilong ol long Kamkumung.

Ol bikman bilong Gavman na tu ol komyuniti lida na pipel bilong Lae i bin go long lukim ol singsing tumbuna na ol narapela selebresin long amamasim dispela bikpela de.



Man husat i makim Pop Benedict na Vatikan long PNG Apostolik Nuncio, Francisco Padilla i blesim nupela Lae Bisket Fektori.



Sir Henry Chow, Gavana Jenerol Sir Paulias Matane wantaim Apostolik Nuncio i redi long opim fektori.





Stat Wok, Piksa i soim ol wokman i wokim woklong nupela fektori long stat bilong dispela yia na jenereta-haus long antap.

Lae Builders na Kontraktas wokim ol bilding

JAMES KILA i raitim

KONTRAK long wokim bilong ol bilding o haus em fektori i stap long en em Sir Bob Sinclair bilong Lae Builders and Contruction Ltd i bin sainim wantaim Lae Bisket Kampani long 18th Septemba 2008.

Insait long dispela wok ol i bin wokim kamap 6-pela ol haus o bilding long fektori eria long Kamkumung. Ol dispela bilding em mein fektori bilding - 204 mita longpela Edministresin Bilding - 54 ditto Bilding bilong ol wokmanmeri - 36 ditto Woksop - 40 ditto Imejensi jenereta set bilding Gad haus.

Wok i bin pinis long mein fektori na ol i givim igo long Lae Bisket Kampani long 31st Disemba 2009. Na ol narapela bilding em ol i pinisim long mun Mas 2010.

Dispela tupela lain masin long mein o bikpela fektori na long edministresin bilding bai lukautim wok bilong ol edministresin wokman meri, plening seksin, akaunting na maketing division.

Narapela bilding em bilong ol wokman-meri na dispela bilding i gat wanpela kitsen o ples bilong kukim

kaikai na tu ples bilong ol wokman meri i sindaun na kaikai na em i ken givim kaikai long 200 wokman meri long wanpela taim.

Ol ples bilong waswas na tu wasim ol klos bilong ol wokman meri em stail tru na em bilong 21st Sensuri na i nupela tru na i stap long gutpela helt na klinpela stendet. Moa long en tu stendet we Lae Bisket bai wok bihainim em stap long intanesinol stendet bilong wanpela kampani we i save wokim ol kaikai.

Sir Henry Chow i tokaut olsem woksop bilong ol i gat ol kain kain masin long yusim long wok na tu long stretim na meintenens long masin long fektori na em bai ron long 24-aua prodaksin operesin. Imejensi jenereta bilding na gad-haus

Sir Bob Sinclaire em wanpela bikpela bisnis man husat i stap long Lae longpela taim tru na dispela bikman i save sapotim planti ol gutpela wok long komyuniti insait long Lae siti na Morobe provins.

Sir Bob i bin go long stap tu long lukim seremoni we Lae Bisket Kampani i opim nupela fektori bilong en long Kamkumung long Sarere, Epril 19.



Consort
would like to
Congratulate



LAE BISCUIT CO. LTD
On the opening of their new
factory In Lae
April 17th 2010



CONSORT EXPRESS LINES LIMITED
Covering PNG's coastal shipping requirements for
32 years

HEAD OFFICE - LAE
P.O. BOX 2191, LAE, PNG
Tel: (675) 478 3000
Fax: (675) 472 2171
Email: info@consort.com.pg

RABAUL
P.O. BOX 2224, KOKOPU, PNG
Tel: (675) 902 1253
Fax: (675) 902 1256
Email: rab_op@consort.com.pg

PORT MORESBY
P.O. BOX 1690, PORT MORESBY,
PNG
Tel: (675) 321 1200
Fax: (675) 321 1279
Email: pom_op@consort.com.pg



Sir Henry Chow, Apostolik Nuncio Francisco Padilla na Siaman bilong Katolik Bisop bilong Alotau, Francesco Panfila i sindaun.



Ol Katolik bisop bilong PNG na Solomon Ailan lukim nupela Lae Bisket fektori op

JAMES KILA i raitim

SIR HENRY Chow em wanpela Strongpela Katolik kristen man, na dispela gutpela wok-bung na asosesin bilong em wantaim Katolik Sios i soim tru long taim bilong Lae Bisket Kampani fektori i op.

Moa long 20-pela ol Katolik bisop bilong PNG na Solomon Ailan, husat i bin bung long Lae long annual jenerol miting (AGM) bilong ol i bin go stap long sere-moni long lukim fektori i op.

Olgeta ol dispela bisop i bin sindaun na lukim ol kain kain pilai na tu ol i harim ol gutpela stori bilong Sir Henry Chow na femili bilong em long sait bilong gutpela komyuniti sevis wok na helpim ol i save givim long ol komyuniti na ol komyuniti projek long Papua Niugini.

Sir Henry i stap longpela taim olsem wanpela fainensol komiti memba bilong Katolik Bisops Konfrens (CBC) na tu em i save stap long komiti bilong fainens

long Asdaiosis bilong Rabaul na bihain IWanpela pikinini bilong Sir Henry em Fabian Chow i bin stori tu long ol stetiu we i sanap fran long edministresin ofis bilong Lae Bisket Kampani edministresin bilding.

Em i tok stetiu bilong Jisas wantaim Sacred Hat em i soim olsem ples we fektori i stap long em i strong long Kristen bilip na Jisas Kraus i lukautim dispela ples.

Fabian i stori tu olsem wara simen (fountain) i ron long sait long soim gohet o prosperiti long bihain taim na bel isi.

Ol Chow femili em ol strongpela Katolik femili. Dispela em bikos tumbuna bilong ol em namba tu lain bilong Saina husat i bin go long Nu Briten long taim bilong Jeman kolonial edministresin. Long dispela taim wanpela tumbuna bilong ol em namba tu man bilong kantri Saina long kisim baptais na kamap olsem wanpela Katolik. Olsem na ol tumbuna na femili o jeneresin long bihain em olgeta em Katolik.



AUSTPAC CHEMICALS & COMMODITIES PTY. LIMITED
P.O. Box 432, 122-126 Old Pittwater Rd,
BROOKVALE, N.S.W. 2100, Sydney, Australia

Phone: 61-2-9905 6088, Fax: 61-2-9905 1989

E-mail: mail@accaustpac.com.au

website: www.accaustpac.com.au

CONGRATULATIONS to Lae Biscuit Co. Ltd.

*for celebrating the Grand Opening of their
new Factory at Kamukung on 22nd April 2010*

*We are honored to be associated with Lae Biscuit
for over 20 years now in supplying a variety of
raw materials to them.*

**Founded in 1988, A.C.C. Austpac Chemicals & Commodities is today one of
the major raw material suppliers into the Pacific.**

**A.C.C. Austpac has been ISO 9001 Quality certified since 1999 and with such
stringent controls & procedures in place, we are well positioned to service
all our clients at a high standard.**

**For more information on our full product range & services please visit our
website under www.accaustpac.com.au and/or contact us by e-mail,
phone or fax as above.**





Sir Henry Chow wantaim Lady Collete na Gavana Jenerol, Sir Paulias Matane na Lady Kaludia.

Baksait long wanpela gutpela man em gutpela meri stap

.....Sir Henry luksave long Lady Colette

JAMES KILA i raitim

DISPELA bikpela toktok long tok Inglis ol save tok "Behind every successful man, there's always a woman" (Baksait long olgeta gutpela man em wanpela gutpela meri save stap.) I gat trupela ming bilong en.

Sir Henry Chow i tokaut olsem ol gutpela samting em i kamapim insait long laip bilong em i kam inap nau em bikos wanpela gutpela meri i stap baksait long em. Na dispela meri em meri bilong em LADY COLETTE.

"Ol save tok olsem baksait long husat gutpela man o man i mekim gut long laip bilong em, em wanpela meri i save stap oltaim,"

"Lady Colette mas kisim olgeta luksave long dispela long laip bilong mi," Sir Henry i tok.

"Dispela meri i karim 7-pela pikinini bilong mi em 5-pela pikinini man na 2-pela pikinini meri. Na olgeta dispela 5-pela pikinini man i wok wantaim Lae Bisket Kampani." Sir Henry i tok.

Em i tok olsem taim olgeta dispela pikinini man pinisim skul bilong ol long Australia, ol i kambek long PNG na wok long Lae Bisket Kampani na givim gutpela ol aidia o tingting long sait bilong redim na groim kampani. Ol i bringim i kam ol fres tingting na gutpela save long wok we i helpim tru Lae Bisket Kampani.



Sir Henry wantaim Lady Collette i bungim Oposisen Lida, Sir Mekere Morauta wantaim Lady Roslyne. Potos: Bustin Anzu

Sir Henry i makim Chow femili long tok tenkyu na tu i bin givim gutpela welkam long ol lain bikman meri, ol lida na tu ol bisop bilong Katolik Sios bilong PNG na Solomon Ailan husat i bin go stap na lukim dispela seremoni long Kamkumung long las wik Sarere na Gavana Jenerol, Sir Paulias Matane i opim dispela nupela fektori.

Em i tok welkam igo long ol Bisop bilong Katolik Sios bilong PNG na Solomon Ailan husat i bin stap long Lae long anuel jenerol miting (AGM) bilong ol long Lae. Em i givim welkam tu long ol frens bilong femil long ol

narapela hap bilong kantri husat igo long Lae long lukim dispela seremoni.

Sir Henry givim luksave bilong em tu long tupela pikinini meri bilong em Patricia na Pauline na tupela tumbuna bilong em Michael na John Francis, husat i skul i stap long Australia.

"Ol i bin tokim mipela olsem dispela nupela masin wantaim nupela teknoloji em nupela tru na singol bikpela masin we i save sanap long en yet long mekim bisket insait long Sauten Hemispia.

"Na wanem wok dispela ol nupela masin save mekim em wankain olsem stendet bilong ol fektori long Australia," Sir Henry i tok.

Dispela fektori bai givim wok long moa long 450 pipel na ol dispela wokman meri bai wok wantaim gutpela kondisen stret na pei bilong ol bai gutpela tru.


Sir Henry i tok olsem long kamap wantaim dispela bikpela projek, ol i tuhat na hatwok na ol i kalapim planti bikpela baret na tu dispela i strongim ol long kam 52-ya olgeta long lukim dispela bikpela samting i kamap.

"Wantaim planti helpim i kam long meri bilong mi Lady Colette, mipela i sanap strong na kam kamap tude," Sir Henry i tok.



Sir Henry givim taitol bilong MD igo long Ian Chow

.....Ian tasol kamapim dispela nem SNAX



Sir Henry Chow i kra i na sore taim em i givim sia na taitol bilong em igo long pikinini man bilong em Ian Chow. Ian bai karim nem bilong namba-6 jeneresin o tumbuna bilong Chow.



Nupela Menesing Dairekta bilong Lae Bisket Kampani Ltd i wokabaut wantaim Apostolik Nunsio bilong Katolik Sios long PNG, Asbisop Francisco Padilla.



Ian Andrew Chow soim ol bikman bilong Polis long nupela fektori long Kamkumung. Potos: Bustin Anzu.

JAMES KILA i raitim

TOKTOK bilong Sir Henry Chow i go isi. Na tu nek bilong em i guria stret taim em i mekim toktok. Long dispela taim planti lain i sore bikos Sir Henry i kra i wantaim na i givim toktok.

Long las wik Sarere Epril 17, 2010, Sir Henry Chow i tokaut stret long publik olsem em i givim sia na taitol olsem "Menesing Dairekta" igo long namba-4 pikinini man bilong em Ian Chow.

"Tude yumi mas givim luksave (credit) igo long pikinini man bilong mi, husat i kamapim dispela nem SNAX bisket bren we nau ol i salim long maket," Sir Henry i tok.

"Long nau yet mi bai givim sia na taitol bilong mi olsem Menesing Dairekta bilong Lae Bisket Kampani igo long namba-4 pikinini man bilong mi IAN ANDREW CHOW olsem nupela Menesing Dairekta bilong Lae Bisket Kampani Limited," Sir Henry i tok.

"Baton o stik bilong mekim wok em nau mi givim igo long IAN. Na Ian bai lukautim olgeta wok bilong operesin bilong Lae Bisket Kampani olgeta de," Sir Henry i tok.

Em i givim tok amamas bilong em tu long ol sapot na helpim ol frens na ol sapotas i givim long kampani long bipo ikam inap tude.

"Nambawan samting em yumi mas tok tenkyu long ol pipel bilong Papua Niugini husat i save kaikai bisket bilong mipela na mekim bisket bilong mipela olsem fevered bisket tru bilong ol," Sir Henry i tok.

"Ol kastoma bilong mipela i mekim SNAX Bisket i kamap olsem wanpela nem we planti manmeri na pikinini tru long Papua Niugini i save amamas long laikim na kolim long wan wan haus na ples na hauslain bilong ol,"

"Insait long las tupela yia igo pinis, tupela fektori bilong mipela long Lae na Mosbi ino inap long mekim inap saplai em ol kastoma bilong mipela i laikim. Olsem na dispela nupela fektori we i gat gutpela teknoloji bai helpim tru prodaksin bilong mipela," Sir Henry i tok.

Em i givim bikpela tok tenkyu bilong em igo long ol holselas na ol supamakem na ol tred-stua husat i save bringim ol bisket bilong Lae Bisket Kampani igo long ol manmeri bilong kantri long kaikai oltaim.

Sir Henry Chow i givim bikpela tok tenkyu tu igo long ol benk na ol lain fainensas. Em i tok kain bikpela fektori plent ino inap kamap sapos gutpela sapot ino kam long ol dispela lain.



Lae Bisket Kampani wokman meri bai kisim fri kaikai na tu ples bilong waswas

JAMES KILA | raitim

MOA long 450 wokmanmeri bilong Lae Bisket Kampani, husat bai stap wok long nupela fektori long Kamkumung long Lae siti bai kisim fri kaikai long olgeta de.

Dispela ol naispela samting em kampani bai givim igo fri tasol long ol wokman meri long fektori bilong ol long lukim ol wokman meri ya i mekim gut wok.

Wantok Niuspepa i bin mekim lukluk raun igo insait long mes o ples we ol wokmanmeri bai kisim kaikai na tru tumas dispela ples em naispela tru na i gat ol sia na tebol olsem ol hotel ples tru. i gat tu ol saveman bilong kukim kaikai i stap we i save redim ol gutpela kaikai tru we i wankain olsem ol kaikai bilong hotel stret.

Dispela kain gutpela pasin Lae Bisket Kampani long lukautim ol wokmanmeri bilong en long fektori long Kamkumung em i naispela tru. Planti ol kampani insait long PNG ino save mekim olsem.

Sir Henry Chow long toktok bilong em long taim bilong opim nupela fektori long las wik Sarere i tokaut olsem ol bai givim fri kaikai long ol wokmanmeri bilong ol long fektori. Moa long en tu i gat ples bilong ol wokmanmeri i waswas na tu i gat loka rum o ples we ol wokmanmeri bai putim ol klos na ol narapela samting bilong ol long werim.

Sir Henry long taim em i givim toktok bilong em long taim bilong opim nupela fektori i givim bikpela luksave na tenkyu igo long ol wokman meri bilong em.

"Taim mipela i statim dispela kampani insait long las 35-ya igo pinis, ol hatwok na gutpela helpim bilong ol wokman meri bilong mipela i helpim long mekim Lae Bisket Kampani i kamap olsem wampela nambawan lain bilong mekim ol kaikai insait long Papua Niugini," Sir Henry i tok.

Sir Henry i tokaut tu olsem insait long las 35-pela ya, prodaksin na sels bilong bisket bilong ol i go antap tru na igo olsem 150 bikpela moa.

"Mipela ol Chow femili i amamas tru na wokim kamap dispela bikpela hap top kwaliti stendet fektori long bungim maket na saplaim ol lain kastoma bilong mipela na givim tu saplai bilong bisket long ol manmeri insait long Papua Niugini," Sir Henry i tok.

Moa long en tu prais bilong ol bisket bilong Lae Bisket i daunbilo tru na isi long ol kastomas i baim na kaikai.



Ol wokmeri bilong Lae Bisket Kampani i amamas na kaikai fri kaikai insait long mes bilong ol long nupela fektori eria long Kamkumung.



Wampela wokman bilong kitsen long Lae Bisket Fektori i sevim ol lain husat i go kaikai long mes bilong wokman meri long taim bilong selebresin.






ASIA / PACIFIC

Congratulations!

Newly Weds Foods is proud to be a major supplier to Lae Biscuits and we congratulate Sir Henry F Chow and his team at Lae Biscuits on the grand opening of their new state of the art factory and facilities in Lae.

Newly Weds Foods looks forward to a long relationship supplying quality ingredients that are used to make Lae biscuits for the people of New Guinea.



For more information contact our Head Office

32 Davis Road Wetherill Park, New South Wales 2164 Australia, Phone +61 2 9426 9300 Fax +61 2 9606 4728

www.nwfap.com





Gavana bilong Morobe, Luther Wenge soim katen SNAX Lae Bisket long fektori stret long Lae. Foto: Bustin Anzu



Planti pipel tru save laikim SNAX

SIR HENRY Chow long talm em i givim toktok bilong em long talm bilong opim nupela fektori i givim bikpela luksave na tenkyu lgo long ol wokman meri bilong em.

“Taim mipela i statim dispela kampani insait long las 35-ya i go pinis, ol hatwok na gutpela helpim bilong ol wokman meri bilong mipela i helpim long mekim Lae Bisket Kampani i kamap olsem wanpela nambawan lain bilong mekim ol kaikai insait long Papua Niugini,” Sir Henry i tok.

Sir Henry i tokaut tu olsem insait long las 35-pela yia, prodaksin na sels bilong bisket bilong ol i go antap tru na igo olsem 150 bikpela moa.

“Mipela ol Chow femili i ama-

mas tru na wokim kamap dispela bikpela hap top kwaliti stendet fektori long bungim maket na saplaim ol lain kastoma bilong mipela na givim tu saplai bilong bisket long ol manmeri insait long Papua Niugini,” Sir Henry i tok.

Moa long en tu prais bilong ol bisket bilong Lae Bisket i daunbilo tru na isi long ol kastomas i baim na kaikai.

Nau yet dispela SNAX Bisket bren bilong Lae Bisket kampani em planti ol manmeri tu na ol pikinini I save laikim stret wantaim gutpela teist bilong en. Prais bilong Snax tu I daunbilo na ol liklik manmeri o gras ruts I ken bai na kaikai na pilim gutpela swit stret.



Wokman ya redim SNAX katen long goaut longol kastoma. Foto: Bustin Anzu



Chiorino Australia is pleased to be associated with Lae Biscuits and the grand opening of their new biscuit factory.

Chiorino is the leading company in the world for production of food grade belting that meets the highest of standards; FDA, HACCP, resistance to abrasion, oils, fats, chemicals and high temperature resistance.

Chiorino's policy towards quality assurance systems and environmental protection is extremely rigorous and complies with the strictest international standards. Complying with UNI EN ISO 9001:2000 and UNI EN ISO 14001:2004 certifications and was one of the first companies to earn EMAS (Eco Management and Audit Scheme).

Chiorino Australia is able to produce belts for the following industries; airports, meat and fish processing, paper, cardboard, and printing, bakers, biscuit manufacturing and many more.

We at Chiorino Australia wish the proprietors, management and staff of Lae Biscuits all the very best with their new factory, and look forward to supporting them and all other industries that we supply in Papua New Guinea.

For all your conveyor belt requirements please contact:
sales@chiorino.com.au

Phone: 0011 61 7 3274 1900
www.chiorino.com.au



Ian Chow wantaim ol brata na pikinini na tumbuna bai karim tumbuna stori igo yet long Lae Bisket Kampani. Foto: Bustin Anzu

Histori bilong Chow femili long Niugini stat long 1895

JAMES KILA i raitim

HISTORI bilong Chow femili i bin stat samting olsem 115 yla igo plins insalt long Papua Niugini. Long dispela taim Niugini i bin stap aninit long lukaut bilong Jeman kolonial edministresin.

Sir Henry Chow, husat i bin givim stori long Wantok Niuspepa i tok olsem ol Jeman (German) kolonial edministresin i bin go long sauten China na kisim ol wokman long go wok long Niugini long ol kokonas na raba plentesin.

Long dispela taim planti ol lain lokal pipel bilong Nu Briten na Nu Ailan i stap long pasin tumbuna yet. Na planti bilong ol long dispela taim i les o ino laik long mekim wok bilong ol waitman. Olsem na Jeman kolonial edministresin i bin go long Kaiping long Quandong provins long sauten Saina long bringim ol wokman long wok long ol plentesin long Nu Briten na Nu Ailan.

Nambawan tumbuna bilong ol Chow i bin kam long Niugini long dispela taim na i bin stap wok olsem wanpela 'Coolie' ol wok-boi long haus bilong wanpela Jeman masta long 1895.

Lapun tumbuna man Chow i bin kisim wanpela liklik graun long wes kos bilong

Nu Ailan provins we em i kirapim Olebo kokonas plentesin na i bin kamapim 8-pela pikinini.

Ol tumbuna bilong Chow i bin stap long Niugini na i lukim tupela bikpela Wol Woa i kamap long graun bilong yumi.

Long dispela lain Jeman ino save laikim o amamas long ol Saina man na tu long bihain ol lain bilong Australia ino save amamas long ol Saina man. Tasol ol tumbuna bilong ol Chow i strong na gohet long mekim wok na karim nem bilong Chow femili igo het.

Gabriel Chow

Gabriel Chow, husat em papa stret bilong Sir Henry Chow em tu long bihain i bin kamapim 8-pela pikinini, em 7-pela pikinini man na wanpela pikinini meri. Sir Henry Chow em namba-tu pikinini man.

Long 1947 bihain long bagarap i bin kamap bihain long Wol Woa 2, Gabriel Chow i bin statim wanpela liklik bekeri long Rabaul we em save kukim ol gren na skon na salim. Na wantaim liklik mani em save mekim long salim bret na skon em i sevim igo igo na salim ol pikinini bilong em long go skul long Australia.

Yangpela Henry Chow i bin skul long Australia long 1948 inap long 1958 we

em i lainim long wokim ol bot. Na bihain long em i kambek gen long Rabaul Henry i statim wanpela liklik kampani ol i kolim Toboi Siping.

Stat long dispela bisnis na inap long nau ol lain Chow femili i ronim planti ol kain kain bisnis insait long PNG na i save givim wok long samting olsem 900 wokman meri. Ol i go insait long bisnis bilong wokim bisket, siping, stevedoring, trenspot, stretim ol sip na meintenens, wokim ol sosis, ham na bekon na tu long sait bilong fising we em save salim ol igo long maket long Esia na tu em igo insait long bisnis bilong katim ol timba na somil na salim ol timba we ol i redim long PNG na salim igo long maket long Esia, Yurop, Australia na long Pasifik.

Ol kampani we i stap aninit long lukaut bilong ol Chow femili em Toboi Siping, Coastal Siping, Lae Bisket Kampani, French Bek Haus, Hakau Invesmens, Torokina Koporesin, Prima Smol Guds, Neptune Fiseris Kampani, Santi Forestri (PNG) na Pearl Riva Kampani.

Chow femili i bin mekim gut tru insait long bisnis taim tumbuna man bilong ol i stat wok olsem wanpela wok-boi tasol na mekim rot bilong Chow femili i kam kamap olsem tude.



Ol asples bilong Kamkumung i mekim save long singsing long taim long opim nupela Lae Bisket fektori long Kamkumung.

Sir Henry tok tenkyu long Awasa femili long Kamkumung

.....ol salim graun long Lae Bisket Kampani

JAMES KILA I raitim

SIR HENRY Chow I givim bikpela tok tenkyu igo long Awasa femili bilong Kamkumung viles insait long Lae long graun ol I bin givim long Lae Bisket Kampani long wokim kamap dispela nupela bikpela fektori long en.

“Mipela I givim bikpela tok tenkyu igo long AWASA femili long Kamkumung long givim graun em dispela nupela bikpela fektori nau I stap long en,” Sir Henry I tok.

“Mipela I givim tok tenkyu na tok amamas tu igo long ol pipel bilong Kamkumung viles long ol sapot ol I givim igo long dispela projek,” Sir Henry I tok.

Em I tok olsem ol I kamap wantaim gutpela tok wanbel na wanpela agrimen I kamap wantaim Awasa femili na ol pipel bilong Kamkumung bai go pas long kisim ol wok insait long dispela nupela fektori.

Em I tokaut tu olsem long taim wok bilong wokim na pinisim dispela fektori I wok long gohet planti ol lain manmeri I bin aplai long kisim wok insait long fektori. Tasol ol I skelim na givim wok igo tasol long ol lain femili long Kamkumung husat graun bilong ol nau em fektori I sanap long en.

Ol lain pipel bilong Kamkumung I bin mekim bikpela singsing tumbuna long welkam long ol manmeri husat I bin go lukim nupela Lae Bisket Fektori I op.

Planti ol lida bilong Morobe na tu ol komyuniti lida insait long Lae tu I bin go



Memba bilong Lae, Bart Philemon i tok liklik wantaim Gavana Jenerol, Sir Paulias Matane long amamas nupela Lae Bisket fektori.

long stap long dispela seremoni.

Gavana bilong Morobe, Luther Wenge na tu Memba bilong Lae na deputi Oposisen lida, Bart Philemon tu I bin stap long dispela seremoni long Lae. Narapela Morobe

MP husat I bin stap long dispela seremoni em Memba bilong Finsafen, Theodore Zurenuoc.

Dispela nupela bikpela fektori bilong Lae Bisket Kampani I soim tru olsem







Program bilong Wanwan De

Mande - Fraide

6am - 10am - Sankamap show - Host: K.A.S.T
 6:15am - Komuniti Notis Bod
 6:30am - Nius Hetlain / Bondei grittings
 Trukai Rais - GES FAIA KOMPETISEN
 6:45am - Nuspepa Hetlain
 7:00am - Major Nius Bulletin - YUMIFM Nius Senta
 7:15am - Toktok sapotim LO na JASTIS Sekta
 7:30am - Trukai Rais - GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - Stori b'long Skelin Tingting
 8:30am - Trukai Rais - GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai)
 9:30am - Trukai Rais - GES FAIA KOMPETISEN

9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack - Host: VAVIESSIE
 10:10am - Lukatim yu yet - Helt toktok - RH Hyper Mart
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Conf'd - Lukatim yu yet - Helt toktok
 11:30am - Nius Hetlain b'long Belo Taim
 12:00pm - Major Nius Bulletin - YUMIFM Nius Senta
 12:10pm - BELO Taim - wantaim sapot b'long TELIKOM
 12:15pm - Komuniti Notis Bod
 12:20pm - BELO Taim - wantaim sapot b'long TELIKOM
 1:00pm - Nius - YUMIFM Nius Senta
 1:10pm - BELO Taim - wantaim sapot b'long TELIKOM
 2:00pm - Major Nius Bulletin - YUMIFM Nius Senta
 2pm - 6pm - Avinun Draiv Taim - Host: Enjo Dabix
 2:00pm - 4:00pm (Tunde / Fonde) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta

3:10pm - Avinun cruz
 4:00pm - NIUS - YUMIFM Senta
 4:10pm - "FOAPELA KAM GUD LONG 4"
 4:30pm - Nius Hetlain
 4:45pm - YUMI PAINIM WOK Segment
 5:00pm - MAJOR NIUS BULLETIN - YUMIFM Nius Senta
 5:10pm - 6:00pm - FLAME KULCHA (1 hr) listeners request
 6:00pm - MAJOR NIUS BULLETIN - YUMIFM Nius Senta
 6 - 7pm - Maggi noodles request aua
 6pm - 00am - NAIT BEAT - Host: ANGRA KENNEDY
 6:10pm - 7:00pm Mun kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Papa Raegs / Sally / Nenge
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipin Kampani long ol nait shift.

Weekend Shift - Saturday & Sunday
 6:00am - 11:00am - Wilen Sanrais
 6:30am - Komuniti Notis Bod - Bondei grittings
 7am - 9am - Wilen Spots
 9am - 11am - Monin Raun
 11am - 1pm - National Weekly Hit Parade (Host Kas.T)
 2pm - 6pm - Sarere Avinun Draiv
 6pm - 00am - Nait Beat (Host Angra Kennedy)

YUMIFM POROMAN TEAM:
 Turner (KAS.T) Arifeae - Team Leader / Program Director
 Angra KENNEDY - Senior Announcer
 Sinimil (Vaviessie) Philipo - Promotions Co ordinator
 Papa Raegs - Announcer Nenge Neings - Announcer
 Enjo Dabix - Announcer Selestine Sally Sino - Announcer

RADIO AUSTRALIA TOK PISIN PROGRAM

HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Mama Graun
 8.15PM Musik/Spots
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Fokus
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Fokus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Youth
 8.15PM Musik/Spots
 8.30PM NIUS
 8.40PM Fokus Riplei
 8.55PM Musik
 9PM Stesen Pas

FRAIDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Redio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru...

Mangi Oro kisim 'Ruki bilong Yia'

Nicky Bernard i raitim

'Mori-e' kisim song bilong yia

PNG BeMobile YumiFM Musik Awod bilong dispela yia i kam gut tru, na planti manmeri husat i go long dispela nait i bin amamasim gut na lukim husat bai winim ol awod.

Tonik ben bilong Pot Mosbi i setim laitim stes wantaim lait. Ol i gat sans tu long pilaim sampela singsing bilong ol long dispela nait wantaim yangpela singa meri Natalia Maino i singsing na kirapim skin bilong ol manmeri taim ol i wetim ol lain bilong kisim ol awod.

I bin gat tupela hap bilong dispela Bemobile YumiFM musik awod, namba wan hap ol makim sampela lain long kisim awod na bihain ol kam na singsing, dispela i lukim olsem Laif taim asifmen i go long Cornelius Po'owa, husat em i produsa bilong Xerrox Studio long Buka long sampela gutpela musik long hap, bihain long ol kisim awod, Gou Gaoma solo meri bilong yia i go singsing, bihain em Sethsman, Shemcalls na Texas Allen.

Namba tu hap tu em wankain, tasol ol i bin putim ol biknem musik man i go bihain long mekim dispela nait bai gutpela swit moa, wanpela grup ol kolim ol yet Raiwat i bin go pas na bihain BJ Nagura, grup Radaaz i bihainim ol na bihain tupela lain long wan solwara Sharzy na Onetox bilong Solomon Ailans i bin kirapim danis floa.

BeMobile bos i tok ol traim long sapotim dispela musik awod long luksave long ol manmeri husat i save hatwok long kamapim musik insait long kantri.



Sethsman Rookie bilong yia.



Toniq Ben lid singa meri Natalia Maino.



Radaas wantaim Anslom i kisim awot.



Gou Gaoma solo meri bilong yia.



Texas Allen.



Sharzy kisim awod bilong em.

EMTV Television Guide

THURSDAY, APRIL 22 2010

5.00AM G JOYCE MEYER
 Religious Program
 5.30AM G TODAY
 9.00AM EMTV PRIME TIME LINEUP
 CLASSROOM BROADCAST
 9.20am - Grade 7 Mathematics (repeat)
 10.10am - Grade 7 Science (repeat)
 11.00am - Grade 8 Mathematics
 11.50am - Grade 8 Science
 12.40pm - Grade 6 Mathematics (repeat)
 1.30pm - Grade 6 Science (repeat)
 2.30pm - DEPI Programme
 2.59PM STATION OPEN
 KIDS KONA
 3.00PM G PIXEL PINKIE
 3.30PM G HI-5
 4.00PM G SNOBS
 4.30PM G THE SHAK
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G WHO WANTS TO BE A

MILLIONAIRE - HOT SEAT
 NATIONAL EMTV NEWS
 6.30PM G A CURRENT AFFAIR
 6.57PM NEWS UPDATE IN TOK PISIN
 7.00PM G SPORTS SCENE
 7.27PM G EMTV TOK SAVE
 7.30PM G RAIT MUSIK
 8.30PM G ELITE MUSIC ZONE
 9.00PM PG CUSTOMS
 Underbelly's Damien Walsh-Hawling presents the compelling return of Customs. Drug traffickers, people smugglers and international terrorists all caught red-handed by customs officers. (New Series)
 9.30PM M FOOTY SHOW (return for 2010) Join Paul 'Fatty' Vautin and Andrew Voss for the 2010 Footy Show. The boys bring you all the latest news, views and gossip from the 2010 NRL competition and the wider sporting world in their own unique and humorous style.
 11.00PM G NATIONAL EMTV NEWS REPLAY
 Australia Network

FRIDAY, APRIL 23 2010

4.59AM STATION OPEN

5.00AM G JOYCE MEYER: Enjoying Every Day Life TODAY
 5.30AM G EMTV PRIME TIME LINEUP
 CLASSROOM BROADCAST
 9.20am - Grade 7 Mathematics (repeat)
 10.10am - Grade 7 Science (repeat)
 11.00am - Grade 8 Mathematics
 11.50am - Grade 8 Science
 12.40pm - Grade 6 Mathematics (repeat)
 1.30pm - Grade 6 Science (repeat)
 2.30pm - DEPI Programme
 2.59PM STATION OPEN
 KIDS KONA
 3.30PM G EGG CELLENT
 4.00PM G EASTER IN BUNNYLAND
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G WHO WANTS TO BE A MILLIONAIRE - HOT SEAT
 CRIME STOPPERS
 5.55PM NATIONAL EMTV NEWS
 6.00PM G A CURRENT AFFAIR
 6.30PM G IN MORESBY TONIGHT
 7.00PM G EMTV TOK SAVE
 7.27PM FRIDAY NIGHT FOOTBALL

9.30PM G FRIDAY NIGHT LATE
 FOOTBALL -
 11.52PM G NATIONAL EMTV NEWS REPLAY
 Australia Network

SATURDAY, APRIL 24 2010

11.59AM STATION OPEN
 12.00PM G SUPER LEAGUE
 2.00PM G SUPER 14:
 4.00PM G TOTAL RUGBY
 4.30PM G PNG NATIONAL GAME FISHING - Catch all the highlights of the biggest national sporting event of the year in PNG - the 35th GFA PNG National Game Fishing Title held in Lae recently.
 5.30PM G MXTV
 6.00PM G NATIONAL EMTV NEWS
 6.30PM PG AUSTRALIA'S FUNNIEST
 7.30PM EMTV TOK SAVE
 7.30PM PG HEY HEY IT'S SATURDAY
 For three decades, Hey Hey was Australia's favourite entertainment

programme, amassing almost 30 Logie Awards along the way. Following the enormously successful reunion shows last year, a brand new series is set to burst on to our television screens in 2010. Host Daryl Somers will bring together the gang once more and present all your favourite segments, including Red Faces and Celebrity Heads, as well as a stellar line-up of local and international guests. Starring John Blackman, Red Symons, Russell Gilbert, Wilbur Wilde, Livinia Nixon, Ossie Ostrich and Plucka Duck. (Series return)
 9.35PM G SUPER 14

11.20PM PG ELITE MUSIC ZONE
 11.40PM G N/ EMTV NEWS REPLAY
 11.30PM Australia Network

SUNDAY, APRIL 25 2010

6.29AM STATION OPEN
 6.30AM G IT IS WRITTEN:
 7.00AM G HILLSONG
 7.30AM Australia Network
 9.29AM STATION RE-OPEN
 10.00AM G WIDE WORLD OF SPORTS (Returns for 2010)
 11.00AM G SUNDAY FOOTY SHOW

SPITIM KAR em ino wanpela PILAI



NOKEN SPITIM KAR

STAP WANTAIM GEM PLEN BILONG YU NA SPIT LIMIT

Spitim kar em wanpela long ol bikpela asua tru we i save kamapim birua long rot insait long PNG NA save lukim planti pipel i dai. Sapos yu spitim kar yu bai gat bikpela sans long bungim birua na kilim yu yet o narapela lain. Em taim nau long tingting strong long ROT SEFTI – em ino wanpela PILAI



60 km/h

Insait long taun o sain i soim

75 km/h

Long ol Haiwe o sain i soim

SAPOS OL I HOLIMPASIM YU BAI YU PEIM MANI O GO LONG KALABUS

ROT SEFTI em ino wanpela PILAI

A road safety initiative by



NARI redi long strong bilong san na ples drai



KISIM SAVE: Dokta John Bailey bilong NARI i soim kain ol samting ol manmeri i mas mekim long taim nogut.

Josephine Yaga i raitim

NESENEL Agrikalsa Risets Institut (NARI) long Bubia, ausait long Lae Siti i wok long redi long holim wanpela bikpela kibung long Me 5.

Dispela bung em bilong kamapim ol rot bilong strongim ol manmeri taim bikpela san i kamap long sampela taim long dispela yia.

I gat tok olsem sampela taim long dispela yia san bai kamap planti taim long dispela yia na olsem ol gaden kaikai bai go drai.

So bai kamap long Se Alkan Tololo Risets Senta long Bubia na bai kamap wantaim enuel Agrikalsa Inovesens So.

As tingting bilong dispela kibung em long kamapim luksave olsem bikpela san bai kamap na olsem Didiman wantaim ol manmeri i mas kamap wantaim ol toktok bilong strongim laip long dispela taim nogut.

Dairekta Jenerel bilong NARI Dokta Raghunath Ghodake i tok long ol tripela yia i go pinis Institut i wok long go pas long redim

ol manmeri long ol kain taim nogut na dispela i no nupela samting long em i mekim gen.

Bikpela san em olsem El Nino bilong 1997 na long dispela yia ol saveman bai kolim gen olsem El Nino o Sauten Ostilesen (ENSO) long tropikol Pasifik Osen.

Wantaim luksave bilong kamap bilong kain ol toktok hettok bilong dispela kibung em olsem: "Redim PNG long Taim bilong San na Klaimet Senis."

"Mipela i bilip olsem dispela kibung i bilong helpim ol manmeri long redim ol yet gut long taim nogut we bai kam bihain."

"Dispela em bilong sevim laip bilong ol manmeri long ol i no ken kisim bagarap," Dokta Ghodake i tok.

Bikpela tok bilong NARI long dispela kibung em long lonsing bilong Nesanel Draut Pripednes Projek.

Dispela projek em Gavman bilong Papua Niugini i helpim wantaim mani na i kamap bilong strongim ol risos senta long 40 distrik husat hevi bilong san i isi long bagarapim.

NARI i askim Sif Seketari bilong Gav-

man, Manasupe Zurenouc long lonsim dispela projek.

Dokta Ghodake i tok Institut i askim tu 50 nesanel na intanesenel ejensi, gavman dipatmen, NGOs na komyuniti grup long kamap long dispela kibung.

Dispela ol oganaisesen bai kamapim ol toktok long ol rot bilong strongim ol manmeri long ol kain kaikai ol mas planim, lukautim wara na abrusim ol sik we inap long kamap long dispela taim.

Bai gat taim long skelim ol toktok i kamap na save sapos em i gutpela long tok orait long ol manmeri i bihainim na yusim.

Lida bilong Draut projek Dokta John Bailey i tok olgeta toktok na ol samting bilong "Model Risoses Senta" em ol bai soim long taim bilong kibung.

Wantaim dispela ol bai soim tu ol samting bilong ol rijinel senta bilong NARI na ol arapela oganaisesen long sait bilong risets na developmen, helt, edukesen, bisnis na ol arapela komyuniti developmen.

Na planti bilong dispela ol samting bai soim ol toktok bilong klaimet senis.

NRL SPOTS DRO RAUN 7 23-26 APRIL 2010

FRAIDE



SANDE



Moimoi bai stap yet wantaim Eels

FUIFUI Moimoi bai stap bek wantaim Parramatta Eels long tupela moa yia bihain long em i sainim nupela kontrak wantaim klap gen.

Moimoi em wanpela strongpela prop fowet bilong ol Eels husat i ken helpim ol long tanim bek sisen bilong ol dispela yia na tu long ol yia i kam.

Ol Eels i bin wari taim menesa bilong Moimoi toktok wantaim ol arapela klap sapos ol i laik kisim em i go pilai wantaim ol.

Tasol Moimoi bihainim toktok bilong em yet olsem em bai stap wantaim Eels inap long 2012 na nau em bai mekim dispela tru.

Moimoi, 31 krismas, husat mama i karim long Tonga tasol i save pilai makim Nu Silan (New Zealand) i amamas olsem ol samting i ron gut tasol long kontrak bilong em.

Em i pilai 8-pela tes pinis bilong NZ na i tok em i laik winim wanpela NRL gren fainol wantaim ol Eels bipo em i pinis pilai.

"Mi amamas long stap wantaim ol Eels, em i gutpela klap na em i gutpela tu long stap wantaim ol poroman bilong mi," Moimoi tok.

"Mi laik tru long winim wanpela primiasip wantaim ol dispela pilaia long Eels na dispela em i wanpela long mi stap

yet wantaim ol. "Dispela bai kamap olsem rot bilong mi long bekim dinau bilong mi long klap we mi statim pilai bilong mi insait long NRL," em i tok.

Dispela tupela kontrak bai lukim Moimoi pilai 9-pela yia olgeta wantaim Eels.

Sif eksekutiv opisa bilong Parramatta, Paul Osbourne i tok ol i save yet olsem ol bai kisim bek Moimoi long tim na i bilip em ino kirapim bek yet strongpela pilai bilong em bilong dispela yia.

"Fuifui em wanpela bilong ol pilaia husat i gat planti sapota na tu planti ol wanpilai bilong em i save laikim em tu," Os-

bourne i tok.

"Em i wanpela gutpela pilaia na em yet na klap tu i save olsem em bai pinisim olgeta pilai bilong em wantaim Eels we em yet i wokhat wantaim helpim bilong klap long kamap wanpela gutpela na strongpela pilaia long las yia," em i tok.

Osbourne i makim long 2009 we Moimoi kisim luksave olsem nambawan prop o fowet long wol.

Moimoi bin pilaim namba wan gem bilong em wantaim Eels long raun 6 long 2004 na i amamasim 100 gem bilong em long raun tri dispela yia agensim Wests Tigers.

Raun 6 Poin Leda

Tim	W	L	B	P
1 Dragons	5	1	0	10
2 Panthers	4	2	0	8
3 Sea Eagles	4	2	0	8
4 Storm	4	2	0	8
5 Roosters	4	2	0	8
6 Titans	4	2	0	8
7 W/Tigers	4	2	0	8
8 Rabbitohs	3	3	0	6
9 Warriors	3	3	0	6
10 Bulldogs	2	4	0	4
11 Eels	2	4	0	4
12 Knights	2	4	0	4
13 Cowboys	2	4	0	4
14 Broncos	2	4	0	4
15 Raiders	2	4	0	4
16 Sharks	1	5	0	2



SPOT RAUN

WANTAIM

Scott Vavine, ML



Plen bilong PNGSF long 2008 i go long 2011

DISPELA wik bai mi traim long toktok wanem kain wok PNG Sports Foundation i tingting long mekim long narapela tupela yia i kam.

PNG Sports Foundation i bin kamap long 1992 aninit long wanpela ekt bilong palamen. Long dispela taim nem bilong en i bin PNG Sports Commission inap long 2007 taim em i senisim i kamap PNG Sports Foundation aninit long wanpela nupela ekt gen.

Dispela ol plen o tingting bilong wok PNGSF i laik mekim em i namba wan plen bihain long nesenel spots polisi bin kamap long 2004.

Insait long dispela plen, em i tok klia long ol astingting na wanem kain wok Sports Foundation i laik mekim insait long narapela tupela yia i kam.

Wanpela bilong 7-pela bikpela het tok ol bai lukluk long wok aninit long en em long strongim wok na sanap bilong Foundation.

Mi yet i bilip olsem Sports Foundation i mas wanpela strongpela ogenaísesen we i mas kamapim na ronim ol wok bilong en na tu i mekim dispela olgeta wok wantaim gutpela tingting na amamas.

Sapos i nogat ol gutpela wokmanmeri wantaim gutpela save na tingting bilong mekim wok i stap em mi no ting bai dispela ol wok i kamap gut.

PNGSF i no save kisim bikpela mani long baset bilong gavman long helpim wok bilong en olsem na mipela bai lukluk long winim sapot na helpim bilong ol praivet kampani na bisnis.

Dispela bai helpim long kisim moa wok na sevis i go long ol ruel o bus ples we i stap longwe long ol bikpela taun.

Wanpela wok bilong mipela em long lukluk long spots bilong ol grasrut na tu wokbung wantaim olgeta level bilong gavman na komyuniti.

Skulim ol grasrut komyuniti long spots em nambawan samting i stap long tingting bilong mipela.

Wantaim helpim na wokbung bilong ol arapela spona na ol patna o ol lain husat i laik wok wantaim mipela, em mipela i bilip olsem mipela i ken bungim dispela ol astingting.

Long lukim tu olsem spots i gat as tru na ol wok bilong en i kamapim ol gutpela samting insait long komyuniti, olgeta spots lida i mas kisim gutpela trening o skul long en.

Long wankain taim ol gutpela spots manmeri husat ino save kisim gutpela luksave bipo nau i mas gat sans long kamap antap moa.

Wantaim sampela nupela tingting na wok, spots i mas kamap wanpela samting bilong yusim long developim ol komyuniti.

Insait long dispela bai gat lukluk tu long ol arapela hevi insait long spots na komyuniti, dispela em wanpela bikpela wok bilong mipela tu.

Ol spotsmanmeri mas i gat ol nambawan samting bilong trening na pilai long helpim ol i kamap ol gutpela pilaia olsem ol arapela pilaia bilong wol.

Taim dispela ol samting i kamap yet, Sports Foundation bai wokhat yet long lukluk long olgeta hevi na em bai go yet long askim helpim bilong ol lain husat inap long givim.

Wantaim helpim bilong ol arapela level bilong gavman, i gat bikpela luksave long dispela ol hevi, tingting na wok.

Sports Foundation i nogat inap samting long lukluk na helpim wanwan manmeri tasol ol provins i go het long mekim wanwan program na wok bilong ol yet bihain dispela astingting.

Sampela provins olsem NCD, Morobe na Is Sepik i wok long lukim kaikai bilong ol dispela wok bilong ol pinis.



AMAMAS: Vipers i bilip nupela spona bai strongim ol moa. POTO: Andrew Molen.

Sponsa laik givim wok long Vipers

WANPELA samting we i kirapim tingting bilong ol Vipers long pilai strong dispela yia em long kisim wok mani.

Ol i harim las wik Fonde long Mosbi taim nupela spona bilong ol, Stop 'N' Shop i tok em inap givim wok tu long ol pilaia bilong Vipers.

"Ol spona bilong mipela long las yia i helpim wantaim mani tasol.

"Dispela yia, Stop 'N' Shop i tok long givim wok tu long ol mangi sapos ol i bihainim stretpela pasin bilong harim tok na i pilai gut, dispela i mekim ol mangi tingting strong long pilai gut moa," 2009 kepten, Jonathan Wangano i tok.

Eksekyutiv Dairekta bilong CPL Group, Sudhir Guru i tok ol i no laik helpim long sait bilong spots tasol.

"Mipela i laik helpim long laip bilong ol pilaia tu.

"Pilai gut na sapos yu harim tok na stap gut bai mipela inap long givim yu wok tu," Guru i tok.

Em i tok tu olsem dispela em i namba wan taim bilong ol long sponsaim ragbi lig.

"Mipela i sponsaim kriket, netbol, swimming na volibol tasol em i namba wan taim bilong mipela long kam insait long sapatim ragbi lig," Guru i tok.

Olpele spona, CIVPAC na NDCD tu i givim sapat bilong ol yet long Vipers.

"Vipers em i nambawan tim we i save karim nem bilong siti olsem na mipela bai sapatim em yet," NCD Gavana, Powes Parkop i tok.

"Ol pilaia bilong mipela i no ol biknem tasol ol i save kamapim strongpela gem agensim ol arapela na em bai gutpela sapos ol i ken go insait long fainol gen dispela yia," em i tok.

Siaman bilong CIVPAC, Dickson Tasi tok, CIVPAC em i no kampani bilong Mosbi tasol em i gat bilip long nem bilong Vipers olsem na ol i sponsaim ol long las tupela yia.

Nau ol i stap yet olsem spona tasol wok olsem mama spona tru em Stop 'N' Shop i kisim.

26 man nau i stap long skwat bilong Vipers tasol dispela namba bai go

daun bihain taim ol i mekim ol laspela sekim long wanwan pilaia.

Tim nau em; David Keai, Jonathan Wagano (SBS Popondetta Butterflies), Collin Aruna,

Josiah Abavu (KTA Dobo Warriors), Bobby Mori, Zachery Simbai, Sebulon Ragi Junior,

Timothy Komane (UMW Brothers), Peter Paulus, Stanley Korowa, Thomas Ninkama, Vitus Kupo (Kange Lawyers Royals), Allan Gaboe, Elizah Riyong (ADSL Paga Panthers), Lawrence Kuso Junior, Dick Nap (Kawaso Defence), John Giru, Charles Onguglo (Hekari Holdings Tarangau), Felix Tanguie, Michael Kundi (PRK Souths), Sebastian Pandia (Havilo Kavowest), Eki Ene (Lae Biscuit Kone Tigers), Toua Kohu (Bishop Brothers Hanuabada Hawks), Tala Kami (KAL Magani), Geno Kima (Agmark Guria) na 26 man em Philip Kumiye (Kange Lawyers Royals).

Bihain long ol i makim laspela tim bai bod i makim tu ol kosa na trena bilong tim bilong dispela yia

Bilip long ol ailan pilaia

Andrew Molen i raitim

TIM menasa bilong Hekari United, Vonnice Kapi Natto i tok em i gat bilip long ol ailan pilaia bilong em.

Misis Kapi Natto i tok Waitakere i gat planti ol gutpela pilaia bilong olgeta hap long wol olsem Brasil, Australia na Nu Silan yet tasol em i save tu olsem ol Pasifik ailan pilaia bilong Hekari bilong Solomon ailan, PNG na Fiji tu inap long daunim ol dispela lain.

Em i tok ol pilaia yet i noken ting olsem ol i no nap,

ol i mas bilip long ol yet tu bai ol i win.

Na tingting bilong Kapi Natto i kamap tru taim Hekari winim Waitakere 3-0 long Mosbi las wik Sarere.

Tupela gol bilong Kema Jack na wanpela bilong Alick Mamae i pasim maus bilong planti husat i no ting Hekari bai nap long Waitakere.

Bipo long gem bilong ol las wik, Misis Kapi Natto i tok em i bilip long ol ailan pilaia bilong em na nogut ol bai winim Waitakere.

Stret, ol i win long gutpela

sko.

"Mi save ol i gutpela tim na i stap long taim moa insait long O' lig tasol ol ailan pilaia bilong yumi tu i ken pilai," em i bin tok.

Tim i wok strong tasol long strongim defens bilong ol long baksait tasol wanpela samting we i helpim ol tu em gutpela sapat i kam long ol PNG manmeri.

"Mipela i laikim gutpela sapat long ol manmeri," straika Kema Jack i tok.

Na long taim bilong gem, moa long 5, 000 sapat i kamap.

Jack na Misis Kapi Natto wantaim i tok ol i laik winim dispela namba wan gem long asples bilong ol bai em i givim gutpela sans long ol.

Nau ol i gat wanpela moa gem long lukim sapos ol bai winim O'lig taitol bilong dispela sisen.

Sapos ol i win o dro bai ol i kisim.

Namba tu gem long O'lig fainol namel long dispela tupela tim bai kamap long asples bilong Waitakere long Fred Taylor Park long Nu Silan long Sande, Mei 2 long tu kilok avinun (NZ taim).



SPOOTS



Isu 1862

Wan wik: Fonde, Epril 22 - 28, 2010.

**bemobile cup 2010 ...best yet!
...kicks off May 2nd**



bemobile cup



bemobile toktok moa

Hekari amamas long Gigira

Andrew Molen i raitim

TIM menesa bilong Hekari United, Vonnie Kapi Natto i givim bikpela amamas long Gigira Laitepo FC long go insait long NSL gren fainol.

Dispela bai namba wan NSL gren fainol bilong Gigira na ol bai bungim Hekari husat ol i winim tupela primiasip taitol pinis.

Tasol Misis Kapi Natto i tok ol Gigira i gat ol gutpela pilaia na dispela i kism ol i kam long fainol olsem na Hekari bai gat gutpela salens tru.

"Ol pilaia bilong mipela i stap gut, ol ino sik o bagarap na tim spirit bilong mipela tu i strong na dispela em i gutpela samting.

"Tasol long wankain taim Gigira bai kam strong na i no inap isi olsem na tingting bilong mipela tu i mas strong long pilai," Misis Kapi Natto i tok.

Em i laik tu bai planti sapota bilong Gigira na Hekari tu mas kamap long lukim dispela gem na sapotim ol tim bilong ol.

Dispela gren fainol tu bai lukim nupela NSL trofi we mama spona, Telikom i tokaut long en dispela wik.

Sif eksekutiv opisa bilong Telikom, Peter Loko i tok amamas tu long dispela tupela tim long go insait long fainol.

Em i tok wanpela bilong tupela bai kamap namba wan tim long putim nem bilong en antap long dispela nupela trofi.

"Dispela trofi nogat prais bilong em tasol sapos yu pilai long en na win em bai yu lukim tru prais na kos bilong en," Loko i tok.



PUTIM AI: Ol Hekari pilaia, Kema Jack (lephan) na Cyril Muta i pilim nupela trofi ol bai pilai long en dispela Sarere agen-sim Gigira. POTO: Andrew Molen.

Johnston's Pharmacies

For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.

**P.O.Box 1066 Boroko.
Phone 325 3185. Fax 325 0190.
Email sales@johnstons.com.pg."**